

內蒙古文史研究館

1954年7月1日

圖書 字第66號

薩拉齊縣志

補英達賴
署簽



卷十四 人物

◎方志之紀載人物始仿於越絕書華陽國志及習鑿齒襄陽耆舊傳劉義慶徐州先賢傳出郡邑人物世愈尊重至陸廣微吳地紀兼述人物故事陽休之幽州古今人物志另列題目後人因襲沿用遂開方志人物列目之先例本縣境自秦漢以來列入版圖迄至清代轄地尤闊合今包頭安北五原臨河東勝並武川西部統隸範圍雖後屢被劃分而在當時脫穎人物起自田間自屬不尠所謂蕭曹不假詩書李杜不由科目他途發跡亦有錚錚者惟因烽烟未靖戎馬倥傯書成迫促文獻無徵往昔人物礙難搜備茲就晉省通志歸綏道志各旗志及查詢所得者或題名或以品學爲依歸泯男女之界限分叙於左以資矜式而備徵攷

仕宦

姓	名	別號	籍	貫	官	職	任	職	年	月
蔡	備		廣寧石門人		尙書令司空		齊神武間			
韓	賢	普賢	廣寧石門人		尙書令司空		齊神武間			
任	祥	延敬	廣甯人		尙書左僕射進開府義同三司		齊神武間			
潘	樂	相貴	廣寧石門人		太師大司馬尙書令		齊神武間			
皮	景和		廣寧石門人		尙書令		同前			
韓	軌	伯年	太安狄那人		中書令司徒		同前			



人物
小大鉛印局承印

斛律羌舉 太安人 大都督東夏州刺史 齊天平間

可朱渾元 道元 原遼東人 車騎大將軍 齊高祖時

姚 兕 武之 五原人 忠州防禦使 宋神宗時

姚 麟 君瑞 全 前 開府儀同三司 全 前

馬 陞 級之 駐 包 大同總兵 清同治六年

周 召 棠 原籍忻州後移家縣城 知府銜候補同知同治間 為修城池練勇捐三千金

王 尊 五 原籍保德州寄包頭鎮 光緒丙子科舉人和順縣 教諭

安 廷 芝 瑞齋 本 縣 陝西安定縣典史捐升同 知候選

張 鬪 包頭鎮 加五品銜候補州判

張 命 申 原籍代州移家包頭鎮 候銓訓導

劉 志 魁 子 元 第五區保同河村 包頭巡檢 民國元年二月

李 永 德 輔 臣 第三區土合氣村 余太鎮巡檢 全 前

軍 職

姓 名 別 號 籍 貫 官 職 到 任 年 月

王 祿 鼎 臣 駐 薩 騎兵團長 民國十年

滿 泰 子 舒 第三區鄂邇格遜村 綏遠護理都統綏西鎮守 使 民國十六年九月

劉聚章	會文	第五區大岱村	綏遠警備第一師師長	民國十六年九月
張萬順	景春	縣城內	晉軍步兵師長	民國十七年四月
都格爾札布	昶玉	第四區麥達召村	清右翼六甲參領候補副都統	光緒二十九年
馬良	致遠	縣城內	晉軍步兵旅長	民國十七年四月
周生		縣城內	晉軍步兵團長	民國十七年四月
石海	子榮	第二區二十四頃地村	熱察綏招討使署游擊司令	民國十七年七月
侯斌成	憲章	第四區東黃堯梁村	綏遠騎兵第三團團長	民國十一年四月
劉繼漢		第三區土合氣村	晉軍步兵營長	民國元年一月
薄中福	政甫	第五區雙龍鎮	晉軍步兵營長	全前
王耀宗	肯堂	包頭	晉軍步兵團長	全前
李士元	棟臣	包頭	國民第三軍騎兵旅長	民國十五年七月
黃根成	濟川	第一區海子村	第三十一軍騎兵旅長	民國十六年二月
雲繼先		第四區麥達召村	蒙古聯合自治政府保安隊少將隊長	民國二十一年一月
馬驥	致遠	第二區竹樂沁村	綏遠警備第一師團長	民國十六年九月
馬鈞	子衡	縣城內	國民第二軍騎兵營長	民國十五年 月
察克都爾色楞		縣屬掌蓋營村	土默特旗右翼六甲佐領	清光緒年間
札拉芬		同上	同上	民國十年

晉	福	梅五	麥達召村	歷克團長佐領等職	民國十四年
默勒根巴圖爾	壽亭	掌蓋營村	歷充軍需處長教育署長 土默特旗總管保安廳長 巴盟副盟長世管佐領	成紀七三一年至七三六年仍任副盟長	
巴奎炳	奎炳	沙爾沁村	世管佐領	世代相傳由乾隆年間	
多爾計	玉亭	陶思浩村	同右	同右	
滿納生	治邦	鄂爾格遜村	公中佐領	民國二十四年	
殷德賀	潤庠	麥達召村	參領	民國八年	

附傳

◎蔡儁 廣寧石門人父普守五原有功拜寧朔將軍卒贈燕州刺史儁豪爽有膽略齊神武微時深相親附神武謀誅杜洛周儁預其計事泄歸尔朱榮從入洛又從破葛榮平元顯封烏洛縣男隨神武舉義平鄴破韓陵並有戰功進爵侯出為齊州刺史為政嚴暴然亦明解吏人畏服之性好賓客頗稱施惠天平中卒於揚州刺史贈尚書令司空公諡威武齊初祭其墓皇建初配享神武廟廷 晉通志

◎韓賢 字普賢廣寧石門人壯健有武勇為尔朱度律帳內都督封汾陽縣伯後為廣州刺史及神武起義度律以賢素為神武所知遣使徵之賢不願出乃密遣群蠻多舉烽火若有寇至使者遂為啟得停賢乃潛通誠於神武後拜建州刺史天平初歷洛州刺史州民韓木蘭等作逆賢擊破之親自案檢收甲仗有一賊窘迫藏於死尸之間忽起斫賢卒贈尚書令司空子裔嗣 晉通志

◎任祥 字延敬廣寧人伯父桃太和初為雲中軍將祥隨之因家焉少和厚有器度初從葛榮榮敗

先降拜廣寧太守賜爵西河縣公隨齊神武起兵封魏郡公後兼尙書左僕射進開府儀同三司位望既重能以寬和接物人士稱之及斛斯椿釁發棄官歸神武天平初拜侍中遷徐州刺史梁遣將寇邊祥破於北濟陰又破之單父在州爲政不殘禮敬人士不爲民所疾苦潁川長史賀若徽附西魏祥戰失利還與侯景高昂共攻拔潁川元象元年卒贈太尉公錄尙書事子冑天平中爲東郡太守

晉通志

◎潘樂

字相貴廣石門人本廣宗大族分鎮北邊因家焉父永有技藝襲廣宗男樂寬厚有膽略

葛榮敗隨尔朱榮爲別將討元顥就封敷城縣男齊神武出牧晉州引爲鎮城都將後從破廣阿進廣宗縣伯累以軍功拜東雍州刺史神武嘗議廢州樂以東雍地帶山河境連胡蜀形勝之會不可棄也遂如故後從破周師於河陰議追之令追者在西不願者東唯樂與劉豐居西神武善之以衆不同而止改封金門郡公文宣嗣事鎮河陽破西魏將楊綱等時帝以懷州刺史平鑿等所築城深入敵境欲棄之樂以軹關要害必須固防乃修理增置兵將而還還鎮河陽拜司空齊初進河東郡王遷司徒周文東至嶺陝遣其行臺侯莫陳崇從齊子嶺趣軹關儀同楊綱從鼓鐘道出建州陷孤公戍詔樂總大衆禦之樂晝夜兼行至長子遣儀同韓永興從建州西趣崇崇遂遁又爲南道大都督討侯景樂發石鼈南度百餘里至梁涇州涇州舊在石梁樂獲其地仍立州又克安州地除瀛州刺史仍略淮漢天保六年卒於懸瓠賜假黃鉞太師大司馬尙書令子子晃嗣沈密謹愨以清靜自居尙公主拜駙馬都尉武平末爲幽州道行臺右僕射幽州刺史周師將入鄴率突騎數萬赴援至博知鄴不守詣冀州降授上開府隋大業初卒

晉通志

◎皮景和

廣石門人初以親信事神武除庫直正都督天保初授通州刺史每以戰功累遷殿中

尚書侍中景和兼長吏事性識平均武平中恒令案覆詔獄據理執正由是過無枉濫後除特進封廣漢郡公遷領軍將軍琅琊王毅和士開兵指西闕請後主出千秋門自號令事平除尚書左僕射陳將吳明徹寇淮南令景和拒之除領軍大將軍封文城郡王平陽人鄭子饒詐設齋會用米麥不多供贍甚廣密從地藏漸出餅飯愚人以爲神見信於魏衛間潛渡河聚衆數千號長樂王破乘氏縣景和遺騎擊破之生擒子饒送京師吳明徹圍壽陽與賀拔仗恩救之他將多傾覆唯景和全軍而還除尚書令武平六年卒贈太尉錄尚書長子信機悟有風神位開府儀同三司武衛將軍勳貴子弟中稱有識鑿降周授上開府軍正中大夫隋開皇中卒於洮州刺史 晉通志

◎韓軌 字伯年太安狄那人志操深沈喜怒不形於色神武鎮晉州引爲鎮城都督及起兵於信都軌贊成大策從破廣阿又從破韓陵陣封平昌縣侯仍督中軍從破赤嶺嶺再遷秦州刺史甚得邊和神武巡秦州欲以軌還仍賜城人戶別絹布兩匹州人田昭等七千戶皆辭不受唯乞留軌神武嘉歎乃留焉頻以軍功進封安德郡公遷瀛州刺史御史糾劾削除官爵未幾復安德郡公歷中書令司徒齊初封安德郡王謙恭自處不以富貴驕人後拜大司馬贈卒假黃鉞太宰太師諡曰肅武皇建初配享文宣 晉通志

案太安廣甯諸郡據地形志並屬朔州本漢五原郡魏所建懷朔鎮也詳本縣沿革中

◎斛律羨舉 太安人少驍果從尔朱兆兆破乃歸神武神武以其忠於所事亦加嗟賞天平中除大都督從戰沙苑羨舉白黑獺若欲固守無糧援可恃今揣其情欲一死決有同獺犬或能噬人且渭曲土灣無所用力若與不戰徑趣咸陽咸陽空虛可不戰而尅拔其根本則黑獺之首可懸軍門時諸將議有異同

遂戰於渭曲軍敗績後封密縣侯爲東夏州刺史卒贈儀同三司子孝悃嗣密縣侯 晉通志

◎可朱渾元 字道元先世遼東人曾祖護野肱爲懷朔鎮將遂家焉元寬仁有武略少與齊高祖相知初孝武帝時爲渭州刺史元旣早爲高祖知遇恒表疏與高祖往來周文帝有疑心元乃率所部發渭州西北度烏蘭津歷河源二州境乃得東出從靈州東北入雲州高祖聞其來遣平陽守高崇迎之至晉陽引見執手賜帛千匹并奴婢田宅其兄弟四人先在并州者胥進官爵所部督將皆賞以爵邑封元縣公除車騎大將軍從討西魏擒金祚皇甫智遷并州刺史天保初封扶風王顯祖時屢立戰功遷太師卒 晉通志

◎姚兕 字武之五原人父寶戰死定州兕補右班殿直爲環慶巡檢一矢斃夏酋夏衆潰遂破蘭浪夏圍諸囂兕時駐荔原堡先羌未至據險張疑兵伺便輒出有悍酋甚武射中其目斬首還一軍驩呼明日攻益急兕手射數百人裂指流血又遣子雄引壯騎馳掩其後所向必克敵乃退攻大順城復往救轉鬪三日斬級數千卒全二城慶軍叛以親兵守西關盜奔兕追及下馬與語皆感泣羅拜誓不敢爲亂神宗聞其名召入覲試騎射屢中的賜銀槍袍帶遷都監徙鄜延涇原從攻河州飛矢貫耳戰益力河州旣得鬼章圍之兕曰解圍法當攻其所必救乃往擊隴宗圍遂解累遷皇城使進鈐轄從攻交趾有功領雅州刺史破乞夷領忠州圍練使進副總管遷東上閣門使徙熙河與种誼合討洮州破六逋宗城夜斷浮橋援兵不得度遂擒鬼章眞拜通州圍練使卒於鄜延總管贈忠州防禦使兕事母孝凡圖畫器用皆刻仇讐未報字力學兵法老不廢書尤愛顏眞卿翰墨曰吾慕其人耳與弟麟號二姚

◎姚麟 字君瑞從兄攻河州中矢透骨鏃留不去以疆弩出之笑語自若積功至皇城使爲秦鳳副

陸打齊鼎志 卷十四
總管從李憲討生羌擒冷雞朴再轉東上閣門使英州刺史元豐西討以涇源副總管從劉昌祚勝於磨夥
隘轉戰向鳴沙趨靈州而高遵裕敗降皇城使永興軍路鈐轄復爲涇原副總管夏乞蘭會麟言秉常不廢
即爲順命可息兵矣獨蘭會不可與願飭邊備示進討之形以絕其望從之督諸將討堪哥平經略使盧秉
上其功賜帛六百匹祐初擢威州圍練使龍神衛四廂都指揮使歷步軍殿前都虞侯步軍馬軍副都指揮
使紹聖三年以建武軍節度觀察留後出知涓州安燾請留曾布沮之韓忠彥曰奏對語言非所以責此輩
乃留不遣尋拜武康軍節度使殿前副都指揮使王瞻取青唐麟謂方息肩奈何生此大患瞻果敗徽宗進
都指揮使節度建雄定武軍檢校司徒卒駕臨之贈開府儀同三司麟沈毅持重不少縱捨宿衛將嘗犯法
詔釋之麟杖於庭而後請拒詔之罪故所至肅然

◎馬陞 字級之大同總兵官駐紮薩廳包頭鎮者數年間同治六年間獨匪擾及河西距包頭纔九
十里烽烟寢逼居人逃亡若鳥獸散陞聞拔止忽驚恐夜未半匹馬蹕刀出一人從渡河月色瑩然塗訪居
人得虜虛實比近其巢從叟農夫數十人執耰耜尾其後至則躍入大呼縛賊賊驚遁迎斬十餘人以農器
傷者數人餘衆奔竄營弁未之知也蓋其時賊以醉酒酣睡故其震撼若土崩易易也先聲奪人軍志也比
營伍出迎陞則已執馘歸矣世以爲崑崙蔡州之師初鎮有韓綱蕭明者雄視大河以西土人畏之所謂虎
而冠者韓號四大王偵獨匪壓境約爲內應官民切齒莫敢誰何陞知其毒之將肆又恐其駭而奔也乃優
給頭銜諷之立功同獎王室以意籠之於是韓不以爲意一旦以冒功至戲下陞伏甲擒之磔於市而黨解
蓋其聲色不驚因能以少許破大敵至蕭明亦於明年伏誅蓋陞軍參將施紹恒用陞計與明深相結於幾

席間縛以械於省垣置之法二惡既去薩境宴然陞自南京至此前後汗馬數十洊歷專閫其馬死衣以甲胄瘞之呂祖洞側表其有一心成大功之義至今墓碑在焉又遺一鐵戟百餘觔於三官閣上思陞者之功者嘗摩挲不置云

◎察克都爾色楞世居薩屬掌蓋營村爲土默特旗右翼六甲世管佐領公幼出世族家學有根基明曉時務於蒙旗戶籍尤極注意凡本佐管內戶族之衰微年老無嗣者必使擇其近支依法承繼以維法定之戶籍而蒙旗人口因而得以繁殖並提倡蒙旗青年教育以灌輸其知識且教以改良牧畜兼事農田故蒙民近年咸知耕牧並重鄉人無不欽服公之熱心與遠見焉公性剛直常爲人抱不平抑強扶弱排難解紛不畏權力平生勤儉持家然慷慨好施捨老猶樂善不倦壽至八十五歲而終子一孫二長孫默勒根巴圖爾現任巴彥塔拉盟副盟長古曰積善之家必有餘慶其公之謂歟

◎札拉芬家掌蓋營村土默特旗世管佐領即察公之子也幼承家教攻書史嫻弓馬年弱冠應武試入學並隨綏遠墾務督辦大臣貽穀辦理墾務頗著勞績公性忠實慈和待人接物必誠必信鄉里有急難者無不仗義周濟家庭間和睦重禮法教子有方以道義爲根本以古人嘉言懿行爲槩範督責極嚴不少懈故膝下皆能自立但公因積勞體素弱歿時年五十有四子二人長子默勒根巴圖爾亦世襲佐領髫年穎悟異常勤學有遠志考入北京大學（漢學名亢仁）結業後蒙古復興隨政府主席德王奔走國事忠勤有功爲當道所信任而調和於各民族間使互相融洽尤爲群衆欽仰補授土默特旗總管兼任巴彥塔拉盟保安廳長洊升副盟長勳望日隆次子武勒濟達賴少好學惜早逝鄉人迄今仰公德教咸謂德明之

後必有達人其爲衆所樂道者如此

◎玉祿 字鼎臣土默特旗右翼二甲首佐人也民國十年奉命爲清鄉司令駐紫薩縣專辦清鄉剿匪事宜兩年以來詰奸除蠹雷厲風行夙夜在公不遺餘力與地方士紳和衷共濟萑苻肅清閭閻益靖故薩邑及鄰境接壤所有窩藏匪類寄埋匪械靡不悉心檢舉搜獲盡淨無復殘餘以貽未來患當時都統馬福祥倚畀甚重將所部蒙右健兒編爲綏遠騎兵補充團擢公任團長至十二年春清鄉告竣移防包頭人民愛仰甚深頗思挽留終格於例不果迨鎮懾綏西聲望日著宵小潛跡上憲以公清鄉剿匪有功傳令嘉獎並將補充團改爲騎兵第一團及國民軍西來當道久聞公名委以剿匪重任公西征東剿奮勇直前所剿流匪無不聞風潰竄迺十三年春巨匪劉喇嘛擾河西復有盧占魁匪餘孽蘇雨生相助爲虐聲勢洶洶民不安枕當派公督部往剿渡河而南連戰皆捷匪勢不支退竄昆獨崙溝適有內奸忌公功約再進分追窮寇次日由東南道進至楊三虎圪泊驟墮匪計陷入重圍後援斷絕約者亦未至公智窮力竭猶誓死罵賊遂及於難陣亡時年五十有二也遐邇聞之莫不悼惜都統李鳴鐘尤爲內疚深慨有負忠義熱血轉請中央贈晉少將銜從優議卹並在綏遠城建昭烈祠以祀之生榮死哀旌恤備至公自束髮從戎素以勇敢善戰稱貌忠厚而心伉爽待人接物極和霽能與士卒同甘苦臨陣每以身先匪遭擊必披靡故老一團黑馬隊之名推重於一時薩人至今言之猶莫不存去思焉

◎滿泰 字子舒土默特旗籍世居邑屬鄂爾圪遜村性忠厚耿直幼入私塾讀書勤敏好學少壯兼習武術長入警界歷爲薩武兩縣警備隊長除暴安良忠勤盡職民多愛戴嗣隨清鄉司令玉公鼎臣參佐

戎機保衛鄉里由中校團附升任騎兵第三團上校團長先是玉公赴東勝勦匪陣亡公時在後防深為痛悼繼接替玉公職厲兵秣馬力剿股匪以慰玉公未竟之志故老一團（即騎三團）殲滅股匪屢建奇功即婦孺亦知名莫不嘖嘖稱頌民國十五年洊升騎兵第一旅少將旅長兼綏西鎮守使公愛鄉愛國志在守土寧民素不參預各方為騎兵第三師中將師長兼三十一軍副軍長及綏西鎮守使公愛鄉愛國志在守土寧民素不參預各方內戰當奉軍東退遂為人望所歸護理都統至民十七解甲歸田當道倚重甚殷仍挽留為本旗總管二十年復特簡蒙邊司令及綏西北兩護路司令綜理戎政事必躬親勞苦過度體粹衰弱廼於廿三年夏積勞病逝人多惜之公一生慈善為懷甘淡泊薄權利無黨無派日以愛護桑梓為主旨誠薩邑傑出之人物故蒙疆父老迄今猶贊歎弗置云

科舉

姓名	別號	籍貫	科名	取進	年月	備	考
王尊五		原籍保德州 移居包頭鎮	舉人	光緒丙子年			
岳紹祖		第五區南西河堰村	廩貢生	光緒年間 長安			
張桂林		第五區喇嘛營村	全前	光緒癸巳年 太原			
張命申		包頭鎮	全前				
張廷芝		原籍代州移包鎮	全前	光緒年			
安廷芝			監貢生				

趙英	潘懷仁	王績世	馬根培	張竹林	陳大富	張勳	張賢	韓廉正	李勤	賈秉瑞	賈樹梅	張書翰	董才植	岳象炳	岳瑞五	岳兆五
				宜春		景堂										
第五區大岱村	縣城內	縣城內	包頭鎮	第五區喇嘛營村	包頭鎮	第五區善友板中村	第三區沙爾沁村			賈家淤地村			第五區董家營村	全前	全前	第五區南西河堰村
同前	同前	同前	同前	同前	同前	同前	同前	同前	同前	同前	附生	同前	全前	全前	全前	附生
同前	光緒二十八年 寧武	同前	光緒二十五年 歸綏道	同前	同前	光緒二十二年 歸綏道	同前	光緒十九年 歸綏道	同前	光緒癸巳年 歸綏道	光緒丁亥年 歸綏道	同前	全前	光緒丁亥年 歸綏道	全前	光緒年 長安
										此村前劃入歸綏縣						

趙振九	縣城內	同前	同前	同前	同前	
王玉如	縣城內	附生	光緒二十八年 寧武	光緒二十八年 寧武		
郭鴻林	包頭鎮	同前	光緒三十一年 寧武	光緒三十一年 寧武		
劉寶喜	縣城內	同前	同前	同前		
亢佐卿	縣城內	同前	同前	同前		
劉瀚	第五區大岱村	同前	同前	同前		
劉克仁	第五區保同河村	同前	同前	同前		
奎傑元英	第三區北只兔	同前	同前	同前	土默特蒙籍	
劉鈺	第五區大岱村	同前	光緒二十二年 歸綏道	光緒二十二年 歸綏道	入托克托縣籍	
劉榮	同前	同前	光緒二十五年 歸綏道	光緒二十五年 歸綏道	同前	
王紹祖	包頭鎮	同前	光緒三十一年 寧武	光緒三十一年 寧武		
李茂林	同前	同前	同前	同前		
李文峒	同前	同前	同前	同前	土默特蒙籍	
李獻瑞	第三區土合氣村	同前	同前	同前		
殷思温		同前	同前	同前		
劉耀	第五區大岱村	介斌	光緒二十五年 歸綏道捐	光緒二十五年 歸綏道捐		
劉增	同前	同前	同前	同前		

霍鳳鳴	第五區北漳村	武舉	武科
劉鵬	第五區保同河村	附生	武科
張俊	第五區善友板申村	附生	武科

光緒年間
歸綏道

◎附記 清代七廳中本邑文風較盛投考人數亦多故取進士子皆學問優裕入他籍者即參差不齊矣由光緒二十五年將歸綏道考試撤消移晉北寧武舉行凡應試者均尚及格

附傳

◎岳瑞五 聰穎有幹才急於公義清末邑吏貪墨舞弊每於升課糧地故意顛倒戶籍曾有有糧而無地或有地而無糧錯亂影射從中勒索人民受害甚巨先生疾於斯弊常上書劾之稍除其弊先生行八閭閻均稱八先生光緒二十九年黃河由準格爾旗決口五區半壁悉成澤國者三年之久三十二年邑同知籌計搶堵決口（名曰車架口）敦請先生輔之凡日需工人用具材料均由先生策劃籌措歷兩月工竣水患始息民得安居迄今功績猶在民間鄉民遇有爭執輒曰赴八先生處評之則是非可定也鄉人之信仰如斯足見夙孚衆望先生歿於民國二十年遠近聞之無不嘆惜

◎岳紹祖 沈篤純靜言行適義儼然儒者範學問淵博工詩賦平生教讀為業清末漢學之有根據者多出其門有裨地方文教殊非鮮淺性賢孝母寡居每晚代為安衾褥慰母就寢後方離室母臥病年餘先生棄教侍之親奉湯藥傾便溺未嘗少衰母歿守窺而眠者三日鄉里皆稱其孝

◎張竹林 字宜春英明果斷才略超倫平生不知有難事且不憂不惑不懼年二十歲入泮並工公

讀民國肇建百政刷新邑知事王聘請先生佐治縣政凡有艱鉅均由先生理之越二年諸政就序先生以雙親年逾古稀辭職奉親其父臥病在榻日親奉侍頃刻不離親歿伴母同居親傾洩溺無少懈有一弟友愛非常內外凡有艱難事皆自當之不使稍有挫折先生密邇第五區公所區內治理重要事項無不協商籌謀策劃皆能循序漸進化險爲夷先生性剛直不畏強禦遇事有特見民十二年冬陳得勝匪夥橫行邑境劫掠于家莊繫男女十餘人亟索巨資先生毅然晤之責以大義並救出二十餘人陳匪敬服嗣後再不任性淫戮後陳官至師長常言於人曰吾之所以能有今日者得大林先生之教也先生孺名大林人皆呼大林先生閭里有爭執者即曰聽大林先生評判故名存梓里令聞滿鄉民七十八兩年歲饑饉民相食先生家富庶散糧救之鄰里得援濟皆未破產先生歿於民二十七年冬里人哭之甚哀遠近聞之亦嘆惋其德行堪爲人欽慕如此

附漢滿生童考試緣起辦法

◎邑境生童考試在清光緒十三年前皆跋涉陝晉原籍應試衝冒霜露攀陟險阻關山履越諸費周章清貧士子資斧維艱徘徊趨趨向隅虛嘆光緒九年流寓歸化城之潞安府教授韓秉鈞以各廳士子俱寄籍人民稟准歸化等廳附棚考試茲查歸綏道志士默特旗志所載事實摘列存攷藉明塞外科舉艱難之真相

◎光緒九年流寓歸化城之潞安府教授韓秉鈞以各廳士子俱寄居人民無籍可入稟由山西學政咨經巡撫張之洞會奏請每廳設文武學額各四名廩生二名增生四名每屆歲科兩考悉照大同朔平兩

府年分先由廳試取童生初次無廩生可保即取具地鄰甘結俟學臣按臨大同府時彙送附棚考試歲科接續並考其廩生附生亦按歲科附棚考取以初次編審入籍者爲限以後入籍年限暫以置產十年爲斷奉旨交部議奏十一年正月禮部等奏准每廳應試文武童生按實到人數二十名以上取進一名不必作爲定額仍至多不過二名如人數不敷即分別停考缺額廩增名數不設十二年十月巡撫剛毅奏准文武童生考試均由學臣按臨大同前預將題目封遞歸綏道局試試卷呈送學臣照額取進填榜發道張貼其武試之馬步箭弓刀石等第亦由歸綏道考校填冊封送按照文試辦理二十一年七廳教諭段雨田據生員郭景汾等請增設廩生增生及拔貢名額詳經巡撫學政會奏二十三年經禮兵兩部覆准歸薩和托清五廳爲一學豐寧兩廳爲一學文生學額仍按實到人數二十名取進一名至多不得過七名廩增生學額設二名五年一貢新補廩生仍俟食餼十年後出貢武童二十名取進一名零數過半亦准取進一名至多每學不得過四名至綏遠城駐防文章向隨右衛考試五六名內進一名十一年部議改歸歸化廳考試一切仍如往例

駐防繙繹童生試例 定例三年兩考歲試於八月內考試科試於鄉試前一年預期考試由將軍副都統辦理無定額

○蒙古漢學童生試例 光緒三十一年二月山西學政寶熙以土默特旗蒙民亦有通曉漢文之人咨准禮部援照四川浙江番民准應童試及各省回民與漢民一律考試例變通辦法准蒙民一律應考

○蒙古繙繹童生試例 光緒九年九月山西巡撫張之洞以五廳所治皆係土默特地面土默特筆

帖式向有准考繙繹鄉試之說既已在土默特地面立學蒙古係屬土著自未便獨令向隅請於歸化廳一處設土默繙繹學額二名由歸化城副都統於土默特官學生內考錄送學政一體隨附棚考試將試卷封送禮部或通曉清漢蒙文衙門校閱取進後仍發交學政咨送副都統榜示十年四月吏部等核議俟漢民學額議定後再辦九月山西巡撫奎彬復申前請十一年正月禮部等核議覆奏准自下屆歲試始由歸化城副都統查明考試毋庸咨送學政每五、六名取進一名

考 職

第一屆普通文官考試及格人員

董海珍（字蘭生城內普通行政）

劉世和（字美齋第三區水澗溝門普通行政）

趙文炳（字子南第五區八旗牛營村普通行政）

議 員

省諮議局議員 李獻瑞 董鴻儒 尹思溫 張 賢 亢 璫（以上皆在清宣統二年）

縣議會議員 尹思溫 卜兆瑞 亢 璫 馬鳳鳴 可仁額 李升五 霍定業 董鴻儒

張 賢（以上在民國元年）

衆議院議員 王定圻（字平章包頭鎮第一屆） 卜兆瑞（字夢庚包頭鎮第二屆）

省議會議員 楊作舟（字濟川第五區召上村第一屆） 趙子讓（字水亭第四區習力氣村第一屆）

○ 巴文峒(字煥章包頭鎮第一屆)

馬善元(字嘉勳城內第一屆)

任秉鈞(字和卿第四區毛岱村第二屆) 杜宗預(字晉臣城內第二屆)

胡效璣(字玉卿第三區土哈氣村第三屆) 周善謨(字效文城內第三屆)

大學專門畢業

姓	名	別號	籍	貫	畢業學校	備	考
祁	志厚	定遠	第四區蘇波羅蓋村		美國哥倫比亞大學		
尹	世增	如川	全前		英國倫敦大學		
侯	瑤	子英	第五區雙龍鎮		美國哥倫比亞大學		
李	獻瑞		第三區土合氣村		日本經緯大學		
聶	釗	成之	第三區黑麻板申村		北京高等警官學校		
趙	子讓	水亭	第四區習力氣村		山西大學法科		
劉	崑	玉珊	第五區大岱村		山西大學冶金科		
馬	定國	可一	第三區鄂爾格遜村		山西大學商科		
張	國寶	仁甫	第五區保同河村		國立北京師範大學		
張	登魁	元文	第五區喇嘛營村		國立北京師範大學		
經	天祿	革陳	第四區麥達召村		國立北京師範大學		
白	映星	鏡潭	縣城內		國立北京大學		

陳志仁	任秉鈞	陳國英	王泉	田圃	李秉芳	殷石麟	李濬	祁登荃	劉志魁	李俊	丁文藻	鄂濟民	亢仁	丁淑容	陳國珍	杜德成
之的	和卿	俊卿	永清	之房	子馨				子元	子英	甫章		壽亭			子鄰
第五區忽拉格氣村	第四區毛岱村	第五區里素村	縣城內	第五區工部村	第五區大岱村		第四區黑沙圖村	第四區蘇波羅蓋村	第五區保同河村	第三區溝門村	第三區溝門村	縣城內	第一區章蓋營村	第五區里素村	全前	縣城內
國立北京大學	中國大學	中國大學	中國大學	北京農大學校	河北大學	北京法大	北京法大	國立清華大學	山西農林學堂	國立清華大學	國立交通大學	濟南齊魯大學	北京大學法學院	北京大學女子文理學院	北京中國大學	全前

人物

一〇

小大鉛印局承印

高存仁 樂山全前

于維歐 銘西 第五區大岱村 輔仁大學

張為義 第五區 北京中國大學

王恒月如 縣城內 北京師範大學

劉世明 第四區蘇波羅蓋村 全前

劉世藩 第四區蘇波羅蓋村 北京師範大學

陳明達 第五區大岱村 全前

多淑英 縣城內 全前

胡效璩 玉卿 第三區土合氣村 山西商業專門

劉鐸 振聲 第五區保同河村 北京醫學院

張崇宗山 第五區三座茅菴村 北京警高等

張樂禮 靜安 第五區五甲橋村 全前

郝登華 百榮 第四區蘇波羅蓋村 全前

白鈺 黃佐 縣城內 全前

侯斌 成憲章 第四區黃元梁村 山西警務學堂

王裕慶餘 第五區北西河堰村 全前

孝義



664792

薩拉齊縣境內表彰孝子調查表

成紀七三四年五月日

姓名	年齡	籍貫	現住所	家族及家庭狀況	經歷	表彰理由
董松山	四五	薩縣	蘇波羅蓋	家族共計八名家境貧寒因勤勞頗致小康一家和順概無口舌之爭	由農學商	對母孝養聲播遐邇
張步雲	三七	"	公布村	小康之家	務農	對父母孝養異常鄉里皆稱道之
張登海	三〇	"	喇嘛營村	同	父兄經理家務本人讀書	其父染病時該民衣不解帶日夜侍奉鄉里皆稱頌之
于鴻田	三四	"	善岱村	貧寒	經理家務有條有理	該民對父母素稱孝順每到綏遠必與老母購置可口食物頭日晨昏定省雖在顛沛流離之際亦不缺禮乃父故去泣時見血
呂進才	四三	"	溝門村	並無其他親族家中貧寒	自己	查該父早喪家甚貧以傭工維生侍母至孝
侯鴻炳	二五	"	全右	家有老母並無其他親族家道貧寒	自己	查該民七歲喪父其母撫育至今現下雖甚貧寒但常孝敬鄉人稱道之
李潤牛	四五	"	沙爾沁村	母子三人家道貧苦	自己	對母孝養不怠遐邇聞之
魏挨獅	四〇	"	西老藏營村	只有老母產業均無甚貧寒	終年以傭工為業以供家用	父亡後母養十八年每以美食敬母自食粗糧可稱孝也
袁文居	四〇	"	全右	家有老母產業無生計艱難	終年以傭工為業	其父亡後待母甚恭堪稱孝也
王長台	三九	"	全右	有母一人產業無甚貧苦	以苦力為業供家生活	時不離母每食必親自檢點始供母用
李富貞	二六	"	康氏營村	有母無妻家甚貧寒	終年與人作工以度全家生活	其父已亡二十八年家貧苦以農為生每學聖賢之教
茹睿	三五	"	白廟子村	父母弟妻全有田地五頃尚稱富裕	外事與家務親自經理	家境富裕稍通文字敬父母心確以二十四賢孝教育兒女故稱孝子
許海明	三六	"	吳填村	家中只有父母及妻無產業故甚貧	終年傭工度日	每食敬父母自食粗糧鄉里稱孝子

卷一 人物 小大鉛印局承印

郭挨有	楊天喜	柴潤	白大才	威威	虎慶爾	栓栓	二保	萬萬	李喜才	劉增元	郭如意	張還願	陳萬海	馬希翰	馬國良	王學義
九	三五	四七	四〇	三二	四四	三五	四〇	五〇	五三	五一	四六	五七	五五	五三	四〇	五五
〃	〃	〃	〃	〃	〃	〃	〃	〃	河曲縣	山西 縣	山西 榆次縣	薩縣	〃	〃	〃	〃
德坊岱村	朱爾坊岱村	大東街五號	城隍廟街	北只圖村	小廠園圖村	胡蘆頭村	忽洞溝門村	哈木爾板申村	二十四頃地村	道試村	全右	啦莫營村	善岱村	全右	全右	全右
只有父母未有產業甚貧苦	只有老母並無產業家甚貧苦	有子媳依薄田二十餘畝維持生活	查該民侍奉雙親至孝雖傭工度日毫無愠色	貧	小康之家	全	貧	全	家貧無依	有父年七十五歲家境尙足自給	家有八旬老母一妻二子一女	家境小康	全	全	全	全
全	全	全	全	務農	全	全	全	全	全	全	全	全	全	全	全	全
右	右	右	右	右	右	右	右	右	右	右	右	右	右	右	右	右
自二十歲其父逝世後承母命傭工度日侍母甚孝	侍奉慈母至孝里人稱道不休	侍奉慈母至孝里人稱道不休	傭工度日侍奉雙親鄉里稱道	孝養父母異常鄉里皆稱道	事父母孝養不怠遐邇咸聞	侍奉慈母至孝里人稱養不休	其父早喪家貧傭工侍母至孝	全	十二歲喪父事母至孝鄉里共稱	敬仰親意唯命是從	有父年七十二歲尊重父命孝敬承歡	父亡時僅五歲母育之成人及長對其母十分孝順	對母親之飲食起居必親自檢點始供母用	父亡後對母極孝及母歿慟絕數次守孝三年	父亡時彼尚年幼無兄弟對母極孝後該民充點教員每於課餘後必往母處探問食用必親自檢任	母之食用供以甘美家人等則食粗糧

郝二虎	三八	平泉營村	母	叔	弟
崔海	六〇	城隍廟街	母	妻子四媳二	

備工奉母
對母極孝每晚必待母親臥後自己方睡

附 傳

◎楊廷芳 河西章蓋營人家貧嗜學三十六歲喪偶義不復娶因父病劇無奈禱五台徒步千里不知其愚也路逢壽陽喬某約與偕並挽假以斧資囊爲之傾至其家而喬避債佗往家獨少婦泊夜楊避嫌宿廡下喬返訪得之呼楊飯焉然無償債意楊慨然乞食以歸

◎張某者 命申之父原籍代州徙包鎮家焉少貧嘗遠服買于外蒙古性寬忍年逾五十僅一子十二歲入校讀書一日與同學李生口角被誤傷致命報至家母以其父遠出掩其尸骸以待張歸歎曰天乎命也不殯何待婦年亦五十不孕有年矣是後有身明年復舉一子今管理學校屢以公廉旌之張命申也
(以上二人歸綏道志薩拉齊廳)

◎李浩 家大岱業農性直正最孝親急公好義家雖小康而世爲里中大戶民國十四五年村中積欠田賦甚鉅邑吏嚴征將其長子拘押勒令墊繳乃憮然曰今拘押吾子者以吾有財產故也乃決計變產並爲繳納家產雖蕩然未幾歲饑饉家中生活愈艱動輒日不舉火乃談笑自若如無事然及民十九年歲豐稔乃復倡議建築村堡成立民團均先後賴以完成人得安居無害故村人信仰悅服稱曰老公道年屆七旬精神尚壯子孫繁衍唯生計稍疏矣鄉人莫不贊揚有先民之遺風云

節 烈

◎北 周

◎高氏 齊神武女歸司馬消難消難在鄴極相敬禮入關便相棄氏及三子在京氏言於文帝曰榮湯公携寵自隨必不顧妻子願防慮之及消難入陳母子獲免

◎清 朝

◎殷氏 包鎮五品職員殷煥女保德州廩貢候選訓導寄寓薩廳王權妻權歿氏水漿不入口哭與人曰夫死稱未亡人待死而已死於異日虛延歲月何如死於今日從夫地下乎親屬勸以撫嗣子飲食少進經紀喪葬行爲從容殯有期矣夜趁家人熟寢投繯死包紳爲請旌

◎鍾氏 李順之妻力拒強暴扎傷身死

◎趙氏 李大有之妻被誣不甘捐軀明志俱乾隆年間旌表

節 婦

◎史氏 邊堵之妻史麟玉之女也年二十八歲夫歿氏號痛絕而復甦者至再及葬矢志靡他立夫兄子爲嗣撫育至於成立不特賽會遊覽之場數十年踪跡不到非有大事亦未嘗一履闖焉鄉人賢之爲報於學具題請旌

◎高氏 趙某妻夫亡氏二十四歲矢志守節家貧取給於十指以甘旨奉舅姑自啖粗糲舅姑老病不起氏扶持床褥手滌中龔久而不衰年八十餘無疾而終人以爲苦節之報云

◎郭氏 包鎮李金海之妻年三十二歲金海歿遺孤甫週歲舅姑耄老氏矢志守貞代夫以養姑死

翁臥病不起氏傍榻扶持敬將婦職育孤以迄成立閣鎮賢之以請旌焉

◎張氏 把拉蓋村王大財之妻夫卒時氏年二十六歲子琳甫二歲氏上奉翁嫜下育孤幼年屆七旬康強不衰鄉人爲之籲請旌表

張守楨妻馬氏

楊元魁妻王氏

李開業妻趙氏

王安全妻趙氏

張志貴妻李氏

劉家寶妻許氏

李明春妻張氏

覃廷魁妻徐氏

高大庫妻王氏

馬國聲妻程氏

張謙燁妻霍氏

王金妻張氏

李富妻孫氏

王安世妻李氏

李貴妻張氏

田成妻李氏

◎以上皆艱苦卓絕守節不貳歲寒松柏百世可風並於同治十三年旌表（以上歸綏道志摘錄）

民國……成紀

薩拉齊縣境內表彰節婦調查表

成紀七三五年五月

日

姓名	年齡	籍貫	現住所	家族及家庭狀況	經歷	表彰理由
王李氏	六二	薩縣	二十四頃地	有子二人兒媳一人地數十畝維生	自夫亡後立志撫孤卅年鄉里皆稱道之	查該婦守節卅年水清玉潔堪可表揚

李郝氏	楊王氏	段張氏	郝李氏	何王氏	茹焦氏	張楊氏	王王氏	張郝氏	王王氏	潘常氏	寇賀氏	胡張氏	劉銀氏	董米氏	焦張氏	石樊氏
七三	五〇	七三	三一	三一	六〇	七八	五九	七一	六四	七七	六五	七六	四四	七九	六一	六〇
"	"	"	"	"	"	"	"	"	"	"	"	"	"	"	"	"
全右	大杖兌村	吳填村	黑訓營子	籠口村	白廟子	大啦嘛窰	白廟子	廠素園園	鄔四營子	二十四頃地	海岱村	善岱村	保同河	蘇波羅蓋	全右	全右
上有老母下有一子無產業甚貧困	薄田二十畝以維生活	只有二子均未娶妻依生活頗稱裕如	有子媳依薄田四十畝備工度日生計艱難	活艱苦	上有姑下有子薄田二十餘畝親自經營	甚貧苦	有子媳各一人孫三人地數十畝	有子女各三薄田二頃餘生活富裕	有子二媳二人孫三人地數十畝	有子媳各一人孫二人地數十畝	有子女各一人孫一人地數十畝	家境小康	貧寒	母子三人家甚貧寒	各有子媳各一人孫男女各一依地數十畝維生	有弟一侄二人兒女均無由弟贍養
終年以緝縫維生	終年以縫紉度日	親自整理家務	一切家務皆委其子料理	上事姑下育兒對於遺產親自經營	家務及外事親自料理	該婦守節撫孤三十六年之久	家務及外事親自料理	節可風	該婦守節四十年鄉里皆稱其實	該婦守節四十年鄉里皆稱其實	該婦夫亡後撫孤守節四十年之久	自	經理家務井井有條	日夜經理家務孤苦萬狀	該夫亡後撫孤守節二十四年	其夫於光緒廿七年被拳匪殘殺苦守至今
方貞節可嘉遠近皆聞	由二十八歲守節待姑最孝育兒有	由三十五歲守節勤儉治家撫育幼子後與娶妻生子	由二十七歲守節撫養孤兒成人且教育有方鄉里皆稱其實	由二十五歲守節水清玉潔且甚勤育子有方	由三十五歲喪夫只生一女氏素賢良村人最敬重之	查該婦三十六年之久玉潔水清堪可表揚	與子娶妻全村莫不稱賢	查該婦夫亡後立志撫孤三十餘年貞節可嘉堪資表揚	稱節婦	查該氏夫亡後子幼守節四十年堪近皆聞	查該氏守節四十餘年水清玉潔遠近皆聞	由廿八歲守節撫養孤子至今	該民於二十九歲守節撫養孤子成人且教育有方鄉里皆稱其實	該氏自三十二歲守節撫孤鄉里家人皆稱其實	守節撫孤	調該婦無男女立志守節卅餘年遠近欽仰

王蘭氏	五五	"	南園子村	有一子未娶妻薄田二十畝生計維難	整理家務全依其子料理	由二十歲守節至今與子娶妻生子
潘季氏	六九	"	七座茅巷	有子媳各一依薄田二十餘畝生活	親自料理家務	由三十歲守節清白可風備極賢淑鄉人甚欽敬
周許氏	六七	"	北街德厚店巷五號	有子一後與娶妻生子	終年與人縫紉度日	守節貞烈撫育有方鄰里稱道堪資表彰
王馬氏	三五	"	南街復興隆巷十一號	自夫亡後有子女各一薄田二十畝生活困苦	全右	侍婆至孝貞節可嘉堪稱節婦
趙韓氏	四〇	"	東街董厚益巷九號	查該氏上有祖母下有子媳及孫有田二十餘畝	一切家務及外事皆係自己料理	侍姑最孝撫育有方守節非常苦烈遠近皆聞堪稱節婦
雲雲氏	八三	"	忽洞溝門村	貧寒	整理家務井井有條	守節撫孤四十二年
雲巴氏	八一	"	全右	全右	日夜整理家計孤苦無依	該氏於三十歲守節撫育孤子成人鄉里稱賢
雲雲氏	四八	"	哈木爾板申	全右	家務及外事親自料理	由二十四歲守節撫養孤子成人
雲雲氏	五二	"	畢只圖村	全右	終日以縫紉工作度日	該氏於二十五歲守節冰清玉潔遠近皆聞
張郝氏	六七	"	大隈免村	只有一子無產業生活困難		自三十五歲守節刻苦育子成人
李張氏	七四	"	二十四頃地村	家境貧寒		由成紀六九五年守節冰清玉潔教子有方可稱良母
王季氏	六〇	"	二十四頃地村	子二人媳一人地十畝		由二十八歲守節撫養孤子成人與之娶媳
李氏	七一	"	任三窰村	家族共四人		三十三歲守節品端行正
李氏	六五	"	毛岱村	家族共六人		二十八歲喪夫守節目不邪視守節至今
張趙氏	八一	"	喇嘛營村	家境優裕		初家業貧寒其夫為清未貢生不幸廿八歲而亡該氏一面主持家務一面教育子女成人鄉里譽之為模範
李馬氏	五九	"	善岱村	家境小康		其夫早亡婆母年邁該氏撫老育幼一面並勤儉料理家務故村人稱譽之

陳楊氏	八四	全	右	全	右	二十八歲夫亡家中並無伯叔兄弟夫亡後始生遺腹子該氏雖年少但對持家育子頗有方法守節至今子已成八
白朱氏	五八	縣城內馬陰陽巷九號	子一媳一孫女子各一			自守節以來歷有年所貞操之風鄰里皆知並於民國初年戚友恭送冰清玉潔匾額為其旌表
李王氏	六二	縣城內管家巷十一號	子媳孫男二孫女一家境貧寒			夫亡時子尚幼家境亦寒王氏力任艱鉅為夫爭光現已娶媳生子家境頗豐人稱賢良
劉賈氏	八一	縣城內忻州巷十一號	子一媳一孫三生活困苦			夫亡時家道貧寒所遺幼子皆未自立該氏雖在中年教子不懈後娶媳生子八稱賢良
陳趙氏	四六	縣城內殷家巷三號	僅有一子家甚貧寒			二十一歲守節僅遺一子該氏撫養其成人該氏為人賢淑舉止正大

附傳

◎李趙氏 大岱村李尙清之妻性剛直有丈夫風其夫求學於綏遠師範學校中途病故所遺子女均未成年氏操勞家務撫育子女雖經荒年終日不得一飽而貞操不改其堅貞卓絕令人可佩今雖年近五旬而其勤苦未嘗稍衰

◎李李氏 大岱村李喜慶之室性貞靜賢淑孝順翁姑民國元年夫傭工山後墜崖殞命氏年僅二十家貧無依守節育子矢志靡他夫兄李澤憐助之氏稍資生活貞操愈堅勤苦自勵故三十年來如一日鄉里稱其賢堪為近時女界勸

耆壽

薩拉齊縣管內耆壽調查表

成紀七三四年四月

日

姓名 年齡 原籍 家族及其狀況 現住所 經歷 彰理 由

察克都爾色令	八五	本縣掌蓋營子村	有子媳孫各三世族有戶口地	城內	自幼業儒世襲佐領	德望素孚本旗表彰
張秉成	八七	山西省	有子媳各一人孫子孫媳各一人地六十畝	小把拉蓋	自幼務農	查該民家道雖貧而德望素重規過勸善殊有益於社會
馬二	八一	陝西省	有子二人媳二人孫三人地八十畝	全右	數世務農	查該老在鄉勸導後生調解爭執古道熱腸實堪嘉獎
楊有成	八三	河北省	子媳均無有地四十畝	二十四頃地	自幼務農	查該老德行兼備爲里中典型實堪表彰
苗存柱	八一	綏遠省	子媳均無有地三十餘畝	全右	同	查該老德高望隆鄉里悅服實堪嘉尙
楊仁	八五	第五區召上村	有子媳各三地一頃餘僅足衣食	城內	同	未受表彰
張根有	八一	第五區善岱村	有一媳三孫均娶妻有地五十畝	善岱村	自幼務農	未受表彰
蒙古老根	八三	第五區保同河村	有三子均娶妻有地一頃餘	保同河村	同	右同右

◎謹案前誌志列人物傳中不列生存多錄已往所謂蓋棺論定確屬當然但據近代研究方志名家主持倡導人之存亡品之優劣名實相符悉當紀列意爲既作勸懲之規鑒且覘趨向之潮流世道人心社會背影均隨時代合盤表出推究深思亦有至理然隱惡揚善本同抱之恒情而革故鼎新亦進化之公例在逝者固當列傳百世猶有餘馨使後代子孫追閱而益思奮起在生者苟予題名一時頓增清望使半生感覺潔身常自省保持未始非激揚名節之一道也倘果晚節不修或令名終墜再編邑志亦可擯除公道本乎人心史書原無曲筆故本志雖從新例仍嚴格以相繩生者僅與題名逝者依然列傳惟有生存一老年逾古稀鄉人秉筆不阿勉附孝義傳末餘如男女平列合歸人物歷代名臣言行錄中不乏此例亦非創格矣後來主纂者其毋忽諸

薩拉齊縣志

卷十四

卷十五 藝文

散文

新建關聖帝君廟碑記

雍正十二年

郭鳳舞

○廠地本係邊陲近世漸沐王化華夏之民離故土而徙居此者甚衆由是德教洋溢時和年豐民安樂業居茲土者咸思以神道設教新建 壽亭侯大廟丹聖其宮金碧其像工告竣董事者屬某爲文以記某思伊古以來闡天人性命之旨道德高厚教化無窮者固以 文宣爲宗教扶名教彛常之大義重如山節勁如石者則 壽亭爲最憶其時漢祚將移阿瞞擅柄雖以荀文若之賢猶不辨忠奸爲之運籌帷幄而 壽亭獨念漢賊不容兩立翊先主以討賊興復不爲利疚不爲害回忠肝義膽迄今猶覺凜凜有生氣固宜威靈遠播顯聖四方雖山陬海澨田夫野老無不焚頂尸祝虔誠供俸也夫人無所稱述於生前必無可俎豆於沒後若夫前有千古後有萬年久而彌光遠而彌芳血食後世綿綿不絕所稱克配 文宣者舍 壽亭而誰哉某承董事者碑記之索固辭不能不搦固陋因爲之記云

新建祖師廟碑記

乾隆丁亥年

張人傑
徐璉等

○今夫溯立極者斷推古聖循成法者必宗祖師如有祖師創立規矩巧法兼優其經營措置不但爲善於一時並可取法於百世誠百工之所宗而衆藝之祖也是以薩拉齊百工每思神必有憑依之地而神

乃格人必有酌神之所而虔始伸爰是新建 祖師廟以示不敢忘其所祖而衣食之所出也蓋雖巧匠不敢師心而自用即在良工何能循矩而改規立法不易則效者不言而皆同權度不差遵循者咸孚而默喻由是可規可爲追琢可補造化有利有能鐫刻儘得天工此固徵聖德之昭著又以垂奕禩之流傳云爾
謹記

新建聖母娘娘廟碑記

乾隆壬午年

馬元龍等

◎余聞商之興也馭鳥至周之王也履武獲瑞莫爲之前雖美弗彰莫爲之後即盛無傳然商瞿缺嗣晚景忽焉成立竇氏慮後中年並肩名揚說者謂數奇出偶庸詎知吉人天相自有餘慶勢有必至理有固然况乎一念真誠直足以感天地而格鬼神耶是以萬姓沐恩一時感激新建 聖母娘娘廟正殿三間東西配房六間二門一間大門一間上塑正像三尊下塑配像六尊百子登山層巒聳翠八難現形歡列星馳外極壯觀內最整嚴慈雲普被求宗嗣者亦得借以伸情花面常開裕後裔者又可舉以表揚熙熙攘攘雖我國家培養百有餘年繩繩蟄蟄還賴神德隱扶實非一日將見里居族氏常咏麟趾國策野乘交頌螽斯同享昇平與天罔極是爲記

新建城隍廟碑記

乾隆三十四年

元盛美等

◎竊惟吾儕俱係燕晉黎民不遠千里而來農工商賈托足於斯豈盡利之所在趨之如鶩哉亦曰樂土樂土爰得我所耳夫以塞外邊圉雲中僻壤裔古彝民游牧之所乃村落相連人烟稠密携妻挈子樂業

安居雞鳴狗吠之聲遠乎四境睦婣任卹士娟歸依父告其子兄勉其弟弓冶箕裘先疇舊德桑麻晴雨沐膏咏勤此固我 聖廟德教之覃敷靡遠弗屆而民者神之依也度百神河嶽亦莫不日鑒在茲焉况南濱黃河北倚青山峯巒簇峙波湍縈迴山川忻合之區寧無神靈之呵護乎吾儕正願抒虔仰祈默佑祇線力不能支分無敢造適逢分府福大老爺念切民依俯加諮訪建立 城隍廟宇以資一郡之保障於是輿情歡洽請謁公庭經之營之共勦盛事官也備捐廉俸民也群效人工不數月間而土木功成巍峨象煥雖神之格思不可度思然慈惠足以格人者誠敬自足以格神覩父母之孔爾益信陟降之匪遙其有不報施無窮捍災禦患鞏固封疆於靡既也歟

火神廟碑記

乾隆三十五年

黃 學

◎官長治人興利必先革弊神道設教降祥首在除殃故能禦大菑則祀能捍大患則祀備載於祭者釐然可考是地薩拉齊浩浩沙漠烈烈風高然而五方輻輳烟戶萬家數十年來火不燬原誌庶富而樂攸寧是誠我朝德政所使亦有效其靈於幽冥而人莫知致敬者欣逢巡廳鍾鎡保愛群黎虔虔懇懇於戊子歲倡建 火神廟以奠民居乃傳集耆庶邀請總理八人以勸是舉及持疏布而告商民踴躍咸皆喜助而樂施爰思人以類而多聚神以附而益靈茲 聖母一廟創造多年現就頽塌因得乘便建蓋接棟相連共式憑於 關帝廟之東即（馬王黑虎）之神亦得旁造而兼及時維虞寅將卜吉而興工遂請命於府憲查克順城守廳張光甲僉曰善由是經始於夏落成於秋不數月宇殿巍峨聲靈並顯夫祀典既有常而降

鑒自無爽行將火德悠悠獲安康於四季神功赫赫受多祉於千秋凡有誠心均沾吉慶應標長上鴻名表
檀那之姓字是用爲記

重建薩拉齊廳玉皇廟碑記

乾隆四十八年

智 常

◎蓋聞萬物本乎天蒼蒼莽莽溟溟濛濛殊世異人靡不率育功德浩蕩於穆難名廟貌儼然精爽攸
萃有其舉之顧可廢乎余承乏是廳於今五年地方雖僻而事繁蒙漢雜處而勢軋勉竭予誠幸安予拙若
有陰鷲敢替且明捐俸興修非同徼福廳之東南舊有玉皇廟焉規模狹陋不越三楹歷久因仍傾圮頽
敗洵不足以申妥侑而致精誠爰矢微忱出資修造而闔屬商民莫不鼓舞懽欣贊襄恐後曾無幾時遂已
歲事殿宇巍煥廊廡困盤聖像莊嚴迥異昔觀落成之日或有過而疑之者曰水土之氣升而爲天彼靈
樞昊景金闕玉京嚆能日擊務彷彿其形又况高不司階大更難窮豈有獨厚於塞外一隅而爲是馨香土木
之豐歟予應之曰氣不離理寧無真宰帝曰昊天義孰外是故耀魄寶尊考傳記而咸載自古上賢即居屋
漏而凜幾微維此芸生每對威嚴而始謹畏謂天盖高入廟思敬斯民循理之心有不由此而油然而生者
哉况氣積而神靈聚焉氣之乘虛無所不至神之乘氣無所不通皇矣玄穹丕冒四大固不專鑿此一隅而
實不遺此一隅則吾屬之含生負性者自不能不選巫咸叫帝闈而望居歆也又曰九霄之上玉帝即天
也從來南郊北峙之制辟牲蒼璧之儀惟昊天其子者乃足以承天之序而致其禋祀賈焉效之僭也何如
答曰豈有是哉朱火芳薪泰壇之典禮也椒漿桂酒民俗之禴禴也譬之一家主器唯宗子而凡屬在支庶

下及臧獲無不可以各盡其孝思所祀者同而所以祀者大異何至有僭竊之嫌耶余既以答或人因以泐諸碩珉實有望於瞻赫濯畏明威無時不致其誠敬即無人不循乎天理將見一道同風不負聖朝涵濡之澤如第鼎新之非選事抑末也矣是爲記

新建觀音寺樂樓碑記

乾隆五十九年

李茂名等

◎從來古刹類有宮殿廊廡之配合樓坊臺閣之屏峙其間有一缺陷難言結構靡不振舉方爲完善至於清歌妙舞之樂事尤爲祀典之所必不可廢者不竭力經營誠心修造非所以尊神明肅瞻視也郡南建立

如來佛殿妙像金容諸位菩薩秩列左右畫棟雕梁雖非金碧之瓊闕而丹楹刻桷足稱香城之靈基歷年來祀典所缺者獨樂樓未建耳茲因集衆鳩工建蓋三間連修東西圍墻山門外階簷石花脊獸類刺鳳雕魚五采祥呈舞榭六花瑞映歌臺鼓瑟吹笙於以賽陽春白雪之曲調敲金戛玉於以發勸善懲惡之文章或謂佛力無邊豈假廟貌以顯赫神功浩蕩詎因歌舞以威靈不知厥廟翼翼萬舞奔奕雖不爲佛祖尊嚴之具實足以上襄盛世崇德報功之典而下足以啟都人士恪恭震動之心將見慧風遠蕩法雨均霑洪庥廣被於百二山河保皇圖而永固慈光普照於三千世界錫阜成於無疆從此神欣民悅祀事孔明矣是役也興於乾隆丁未之歲竣於乾隆甲寅之年總理經費終始其事者王峨等而闔郡捐助之諸善士亦由是以流芳永久爰勒石具載以識不朽云

新建財神廟碑記

嘉慶六年

德 亨

◎詩有之天錫公純嘏誰其錫之有其司之者也天將賜人以財而使神靈默爲之佑或以精力取或以才智求或有餘而貫朽粟紅或不足而室如懸磬有莫之致而至者夫豈有私於人而唯作善者降之祥也 三靈侯掌財源之命左福祿右鎮庫操食貨之權皆利濟於斯人而天下人咸設像盡誠謂銀樓所自出也薩拉齊舊有財神廟居關帝廟之西偏凡禋祀賽社人尊之猶恐其褻於嘉慶丁巳其議更建廟宇稟請於德太老爺捐俸施捨毅然爲百姓先相與卜其地於西坐庚辛之位取生金之義焉因而開緣募化慷慨捐貲者無事飛錫掛錫紛然檀那應募倏忽間累集千金以是經之營之不數月而工已告竣登其堂金碧輝煌入其殿神靈宛在自茲以往商賈農民蒙其庇者賴此一舉余遐遊此地論及其事不禁援筆而書之俾後之作者知某某等鳩工庀材好施不吝云

重修城隍廟碑記

嘉慶二十五年

張堯賓

◎城隍廟翺自前府福距今五十餘年矣傾圮剝落程其重修之功約在萬金外我商民故屢議之而不果舉壬申秋八月神君覺羅佛初下車而謁斯廟即以修爲己任會比年不登不敢以事神之故病吾民越一歲乙亥有年又明年丙子又大冇年因舊更新之事其在斯時乎（鄉總糾首）等因承府憲之命選郡中之能者分其任或司募或司工或掌筭庫而司會計經營構造歷年餘而工將成會佛憲以病告憲府海又捐俸而增華之司事者囑余作文爲之記余觀夫斯廟勝狀殿宇聳峙長廊縵迴門廡樓台翺聖丹漆

浩浩蕩蕩氣象萬千拜謁者皆以爲河朔之大觀也無事余之恢張矣余雖記者自初建以至於今前後數十年官此地者不乏名宦商此地者亦多大賈矣傾圮之後議重修或以傷財寢其事或以勞民沮其謀無一人焉起而肩任之今兩憲以捐俸倡董事者即合一郡之力而成一郡之功以視前此之畏難苟安者其人賢不肖爲如何也余故重其人善其功欲後之君子觀感而興起焉則剏建之人與繼述之功皆將並斯廟而不朽云

玉皇廟繼修碑記

道光七年

楊正春

◎薩廳之東北隅舊有玉皇廟亦不知創始何年第考其遺址殿僅兩楹廊廡全無湫隘囂塵殊非上帝居歆之宜前府尊智視篆此土爰倡衆改作擴其址基增其式廓廣廈曲廊雕甍綉闥炳炳乎規制爽塏丹雘輝煌以稱昊天金闕庶或少當而神之精爽於是乎益洋洋昭著臨下有赫以故我薩歷年商農樂業品物安生無天札無疵癘其共享景福者未始非於穆之命降監於其間也奈地近堰瀦傾圮尤易僅數十年間凡殿宇垣墉漸歸剝落雖未至荒涼不堪而視向日煥然者固有間矣我神君齊老公祖下車謁廟惕然難安即思所以修葺之特以敷治伊始未便工作越明年丁亥政通人和百廢俱修迺出俸金率作興事而闔屬商民仰承意旨亦皆欣然樂從鼗鼓軒舞不數旬而殘者修缺者補革故鼎新豁然改觀俾瞻仰者不復知有彫零矣今而後菘芬肸蠶不獨邀神庥於勿替抑亦使前府尊之功德久而彌彰不至寢沒於傾頽零雨中也豈不美哉用叙顛末而立石以記

薩拉齊修築土壩碑記

道光八年

楊正春

○薩廳居青峯之陽與峯之溝門相對澗水湧出正當其流以故溝口築立石壩時勤補葺所以爲防護計者久矣邇年來雨水浩大冲堤直下居民頻受其害郡之人每議築土壩於郡外而不果舉幸逢我神君壽老公祖念切民瘼思患預防督率鄉總等動衆興工以完隄防以謹壅塞凡我商民無不欣然從富者捐縉貧者效力經數月而工告竣壩起於東北止於西南蜿蜒五六里屹屹言言障郵無間雖有洪水莫能爲害吾於是嘆我神君之惠此薩民者至矣夫昔之稱爲仁民者不過曰見利思興見害思除而已今斯壩成而水患永消閭閻有安堵之慶市廛無播遷之憂民咸曰休哉故其功大其利溥而其澤亦自此遠矣後之覽斯壩者必將愛戴感慕比之范純仁之著作林長孫儉之清德樓而謂能不繼長增高勤思修葺以保守於勿替乎是爲記

附註

凡壩所占地基每畝發過官價銀壹錢壩上所栽樹木係鄉總等培植公議以後經理照管俱屬應鄉總者應辦事件永遠爲規

重修關聖帝君廟碑記

道光二十四年

亢興元等

○且自古盡忠誠而食厚報者莫過於關壯繆由唐元明以迄於今凡中外華夷無不畏敬奉承以薦馨香於勿替其廟貌幾與恒河沙比較是以薩廳雖僻處邊陲而享祀之典亦罔或忒先是雍正中於廳之東南隅建立關帝廟一所殿唯數椽堦僅盈尺湫隘囂塵弗堪瞻仰至後幾經增修由正殿而廊廡門

坊鐘鼓樂樓以及配享諸神祠次第備舉於以隆報賽而光明薦庶或饗之奈歷年以來繕修弗繼古剝勝境廢爲瓦礫之區商衆謀所以修葺者久之逢前府尊盛公下車謁廟輒歎頽零倡議改作衆志僉同甫經化緣而公乃遷去遂緩其謀越數年壬寅羣商咸曰作廟宗祀固膺民祉者所有事而吾儕旣庇宇下亦當與有力焉奈何誘爲異人任也因毅然以興廢爲己責量費募賞鳩工庀材拓其基址大其規模悉心營葺功靡有遺不僅殿宇爽塏較昔改觀即廊廡門坊鐘鼓樂樓與夫諸神祠亭向歸剝落者亦皆革故鼎新煥然豁目於是神之英靈洋洋乎焄蒿悽愴常若有在而人畏服恭敬之心有不油然而益興者歟他若一切呵護錫祉之說此世俗淺見妄希靈貺於冥冥者俱略而不陳懼褻也已是爲記

重修祖師廟碑記

道光二十四年

呂永全等

◎嘗思萬物本乎天人本乎祖顧身之所自出者謂之祖而術業之所由來者亦謂之祖祖之名旣已從同其所以報本返始致其誠敬者義自無或異我薩廳 關帝祠西偏舊有師祖廟一所爲羣工宗師神聖所在歲時伏臘享祀不忒不妄本也道光壬寅闔郡議修 關帝祠旣定顧瞻斯所雖未至剝落不堪而多歷年所漸歸黯淡殊與鼎新之 關帝祠不堪並誇耀衆工師念及此而怒然難安遂各捐貲財共相募化鳩工庀材卜吉興作由殿宇而牌坊禪室各仍舊貫悉拓新基越年告藏其規制軒爽丹雘輝煌者亦幾與帝君祠相髣髴將見暇假之際益盡其誠駿奔之餘愈生其敬庶於報本返始之義不無少當從茲怨恫泯而靈爽昭其申錫祐無疆者自不待言矣是當誌之以爲後勸

重修聖母廟碑記

道光二十六年

周茂
楊正春等

◎古者仲春之月元鳥至日天子帥后妃嬪御出祀高禴於南郊所以弗無子而求有子也自後都邑鄉里間亦準此義以立廟祀爲祈嗣計是皆然矣我薩廳之巽隅舊有聖母廟一所創自乾隆初年間前人已屢經增修迄今又見剝落繼修難緩商民等因募資改作卜吉興工仍舊貫以拓新基丹楹刻栴綉闡雕斐曲盡其美向無樂樓以便衍神者今亦相因而建經始於季春越數月告竣其巍然輝耀之狀瞻仰者皆稱爲梵刹之勝境焉由是神以地而益靈人祈靈而益應誠意感孚求無不得此慶多男彼樂昌後將生齒繁而戶口殷且以見邦家之盛豈僅爲閭里之福哉是爲記

重修神廟碑記序

咸豐十一年

吳學貴等

◎蓋聞創於前者必修於後者猶創於前前後時雖不同創修功實無異從古以來舉凡修造莫不然矣如我蘇塞溝門西灣村舊有（龍王 三官）諸神廟一所創自乾隆年間歲月日時既易難以稽查但多歷年所廟貌雖舊尙未頽毀迄至咸豐六年七月間天雨浩大溝水洋溢將廟幾乎盡墜則凡報賽目觸心傷迨十一年春糾首地戶同舉盛念願重建修於是鳩工庀材不數月而工程告竣將見殿宇輝煌聖像光顯神靈皆得其安駿奔均有其區所謂創於前者實有賴於後修於後者亦有光於前時有前後功奚有異乎是爲記

重修普濟寺碑誌

同治六年

許有慶

◎粵稽郡治之離有南寺舊刹也 普濟寺名也古佛五佛社號也然寺名仍舊而神像復增中殿有神佛寶號碑碣迨東配殿立蔡侯祠西配殿設聖母廟各有記載不必多贅然則普濟寺蓋亦有年矣初建自乾隆丁未歲越四年辛亥始刻石以告成維時邀本郡 憲天福新莅茲土率作興事督任王峨文大章等克成厥工又三載甲寅歲正乾隆五十九年也復建築樂亭於寺南北向距山門四五十武中間縱橫有路前後環繞閭閻其廟貌樞範咸立碑誌及後屢加增修庶難枚舉行見寺內剝蝕傾倚零落殘缺者並皆有之唯我二三同人倡議重修頃偕同本郡鄉總等奉現任憲台廣大老爺飭諭即日興修所謂剝蝕者飾之傾倚者扶之零落者增之殘缺者補之獨至山門舊基迫狹不堪瞻望者遂展闊之新加鼓樓一座亦可見左右相承而配合相宜矣然而斯役也興工於甲子之夏落成在丁卯之秋共花過銅錢千數餘緡由是經理主持復至四方募化得銀若干以襄厥事工成之日諸公屬余作序余不敢固辭抱恙艸錄聊誌其創修巔末以貽笑於來哲至若我 佛祖如來暨諸位菩薩大德至道妙法玄同詎可以片言俚語以瀆神聽者乎是爲誌

創築圍堡訓練民團碑記

同治九年

李聯香
史麟玉等

◎溯自同治六年陝甘逆氛竄擾草地逼近薩廳是年冬月奉府尊文大公祖諭在 關帝廟設團防局（聯香麟玉等）經理其事於是籌捐經費舉辦七年創築圍堡八年加工倍修當是時狼烽四起鶴淚

薩州府志 卷十五
頻驚我文大公祖督同在局諸紳商等日夜訓練民團監築圍堡偵探防守不遺餘力迨九年冬賊氣既退防務較鬆文大公祖遂赴都入覲矣夫以三載團練兩次堡工經費誠爲浩繁然設使曩時民團不練圍堡不修非不較省民財而當賊擾檀蓋卯獨大小蛇太之際薩廳地方既無地險可守又無兵力可恃賊匪乘虛而入且晚可至嗟我薩民其不爲賊所魚肉者幾希矣幸賴文大公祖築斯城也與民守之卒以有備無患轉危爲安凡我薩民至今得以幸全其身家而各安其生業者皆我文大公祖築堡辦團禦寇保民之力也所費用者有數所保全者無窮洵乎成大事者宜不惜小費矣雖然一切經費無非出自民間文大公祖每諄諭在局諸人以民力艱難經費不易務宜力從撙節杜絕漏卮總期涓滴歸公絲毫無弊方可以對人方可以對天等諭(聯香)等動勸局務慎遵斯諭凡一錢之出入靡不勾稽詳慎登記明白不敢稍有苟且於其間但三年之久出入欸項數逾億萬雖局中人可以自信局外人未能週知十一年二月奉文大公祖諭令本街鄉總四鄉總甲會同在局經理人(聯香麟玉)等將團防局一切出入帳目逐欸核算徹底清查計六年冬月設局起截至九年十月底止共入錢出錢經理人等並無侵冒舛錯各情弊當經鄉總等稟復並請將出入欸項刊列碑石俾昭衆目而垂永久已蒙文大公祖批允在案茲時遵批勒石謹爲掇叙嶺末並開列欸項於另碑石是爲記

創建節孝祠記

光緒元年

闕名

◎昔明道先生言于朝曰治天下當以正風俗爲本蓋風俗正則天下治也是以長民之道莫先于正

風俗而風俗之所正尤莫大于節孝都邑郡縣例有祠宇文廟之側以祀旌表節孝之人以爲不如是不足以正人心厚風俗也薩郡地處漠南民情敦樸凡婦女之苦節自持者往往而有特以未經表揚之故潛德幽光沈淪泉壤者亦已久矣今賴文大公祖督率紳士採訪民間節婦有年例相符者得張馬等十六氏具詳題準旌表遂捐俸金鳩工庀材創建節孝祠經始于同治十二年四月迨光緒元年三月落成外建總坊題名其上俾冰筍霜柏得沐盛世光榮庶遠近聞而觀感風清俗美流溢於金河紫塞之間皆自我公祖倡之懿歟休哉公祖之爲政也初下車見薩廳多水患亟築堤壩護我田廬同治丁卯戊辰間賊氛逼境爲之設守衛練團防民賴以安越明年又創立育才書院課訓鄉閭子弟使之讀書明理知所以爲人他如義塚恤陰保嬰諸善舉不可勝數十餘年循聲卓績彰彰可攷豈惟是振勵節孝之一端哉然即此一端上之可以宣揚德化廣布皇仁下之可以漸除澆風移易舊俗古君子所謂摩民以仁漸民以義者其即於文公見之乎工既竣董其事者欲以叙其始末勒之貞珉且以銘公祖之德政某不敏何足以闡揚萬一亦僅于管見所及略陳梗概云爾

重修關帝龍王廟並新建財神殿碑誌

光緒二年

張廷鸞

◎蓋聞莫創於前雖盛而不傳莫因於後雖美而弗彰是以曩有所創鴻勛固已著於前今有所因駿績尤當垂於後也如薩廳蘇塞溝門村舊有關帝廟創自康熙末年乾隆丁丑歲重修嗣於殿左增建龍王宮俱有碑誌迄今多歷年所不但風雨飄零將漸就於傾圮而且規模卑狹未足壯乎觀瞻况蘇塞溝門

沃野水田本爲富庶之境安堵樂業盡屬殷實之家顧勿修廢補缺以報神庥也哉癸酉歲本邨紳耆等集衆公議鳩工庀材重行修葺復於正殿之右新建財神殿三間與殿左龍王宮配爲一列至於禪室會館山門鐘鼓二樓莫不煥然改觀既左宜而右有亦踵事以增華誠盛舉也然工程浩大董理良難幸紳耆等不辭勞瘁允襄厥事殫寅清於夙夜內外落成勵辛勤於晨昏土木告竣殿宇恢宏楷模則中規而中矩金錫燦爛光彩則或黃而或白壯其觀也奠其瞻也是尙不足以蕙其事耶詩有之維其有章是以有慶將見廟貌重新大啟桑梓之氣運神靈錫嘏群沾芘蔭之洪恩第經費甚繁固非獨力之所能支猶幸衆善之所同歸也本村按畝布施允宜流芳於百世他處隨心傾助尤當旌淑於千秋猗歟休哉何其盛哉爰勒諸貞珉以彰有德以垂不朽云爾

蘇塞溝門七聖廟暨建石刹碑誌

光緒十九年

王大鵬等
牛星津

◎溝門村居蘇塞山之陽兩山如蛾眉彎翠中間斷崖處石壁峭合瀉出清溪流澗此村之所由得名而廟之所由來遠矣村人引水種植穿田繞屋晝夜潺湲其煙林一帶花果千家而其春蔬早獻秋菓晚彫至於山懷水抱之景隔籬對飲之趣雖桃花源裏之境亦不過如是也獨是沿村之景趣旣佳廟所之風致尤備即以踏澗石則清風在袖坐苔磯則弱柳垂肩其間廊檻樓臺儼如一幅圖畫唯寺前舊豎水利二莖早已腐仆石押凸存人以爲憾近遭光緒辛卯壬辰等年旱魃大飢鄰近傾覆慘然未遑逮舉然以我村俗頗勤樸雖無恒產苟素有一長可取尙不致于死亡豈非沾風土之光哉今天不却生民始苗槁而終沛雨

運化所鍾畢竟原隰寒暑燥濕高下遠近收獲豐盈倍于往昔憂者喜病者愈於是鄉中一三者老相與舉酒與社而慶之歸德于神猷曠之忱以不釋豎刹之抱歎可乎又鑒於前慮雨淋日炙不若石之耐久也然而鉅矣乃仗義者倡之于前疏財者和之於後闔村贊襄鳩治數月而石工告竣是刹雖重興而實創見也豎立之日無不欣躍爰爲勒諸貞珉以誌勝事云所有倡事捐貲諸人士姓名門列於左

新建呂祖廟樂樓碑記

光緒二十年

孟春星

◎嘗聞下里巴人往往演學歌舞吹彈者祇徒表三代君臣父子夫婦兄弟以及朋友之盛事流傳後世相勸勉於君子小人矣而今也大郡小邑山野荒陬直以爲尊神之深恩大德唯戲足以酬之耳自郡建修北閣以至建修呂祖廟後每年臨獻戲之期蘆蕭圍棚色布彩樓華費恒多亦不克蔽風雨之患蓋若建樂樓能經久遠乎因而公議呂祖廟前建修樂樓臨北閣獻戲之期亦能借用斯雖是一樂樓而可以能作三樂樓用之矣爰是鄉總等盡心竭力黽勉從事不敢告勞遂買民人地基兩所選良辰築地基按排木石默對土工建築樂樓又東畔起造小院一所內修幾間書房下除鳩工庀材不日告竣美奐美輪自他而有耀斯飛斯革煥然而改觀將見均欣羨以作歌曰青山蒼蒼黃水泱泱瞻彼新臺與之同芳於是囑余作文余雖不敏亦不敢推諉因而作文以垂千秋不朽而奕代流徽云爾

重修官壩碑記

宣統三年

公社

◎甘棠在帝王之化苞栩傳孝子之心詩之取類稱名多寓情于嘉樹也已難數觀况憲政當萌芽時代講求林業公令甚嚴自治紳董不時演說欲令頑石點頭以遠實行之目的法至美意至善也我薩廳北

門外自道光八年因蘇塞溝門水勢浩大本城受害匪淺爰集公議修官壩築柳堤壩岸遙長柳繫千條屢年修補輪流補栽稟請立案恐代遠年湮經久廢弛現今壩上猶有碑石存焉以故森林嚴密空氣新鮮街市繁殷城池鞏固居民安堵樂業何幸如之突於光緒三十年公行破壞風潮大起停修官壩於今業已八年矣因之柳林彫謝壩岸皆傾甚至河水漲發西門左右幾成澤國遊者傷今而思古過者觸目而驚心咸以爲不修此壩終難免山河猛水之衝溢（社長）等暨公行代表豈忍熟視而無覩刻即稟明憲天重加整頓預防不測之災前任劉老公祖示諭於前現任呼延大人組織於後雷厲風行不辭勞怨公同經理豈憚煩勞但經費甚難固非獨力之所能支工程甚鉅猶欲善之所同歸也迄今工程告竣回憶補助栽培似可流芳於百世成裘集腋亦可旌淑於千秋爰貞珉以勸後之關心地面熱心林業者

勦匪功德碑

民國五年

王建屏

◎薩拉齊在北京西經綫八度餘長城北緯線一度餘北傍陰山南臨黃河田肥美民殷富實秦晉之鎖鑰歸綏之咽喉也洪憲紀元之初土匪盧占魁等率衆數千由茂明安札薩克旗南竄經五當溝沙爾沁等處直抵縣城邑候遠遁地方無主歷四晝夜任賊殺掠一月五日上午九鐘初馮公思普李公鶴翔鄭公金聲率隊來援而賊則憑城固守槍砲如林矢石如雨鏖戰幾盡一日敵不少退李公由西南鄭公由西北於槍林彈雨之中督兵登城賊俱辟易全軍相繼擁入巷戰移時殺無算天將向晚一律肅清城中遺黎重覩天日喜可知也克復之次日李公召集紳商各界督設善後局委執法官裘君世廉爲局長各界推余爲總董襄贊其事裘君任事以來焚膏繼晷日昃不遑修城垣查戶口練團勇備器械旬日之間百廢俱舉比

之李綱於謙雖任之大小有別而計慮之周佈置之密無多讓焉去之日人民臥轅轍涕淚悲泣不忍君之去薩也謂非至誠感人而能若是乎君固可謂才德全備之士亦馮李兩公之知人善任與鄭公和衷共濟有以致之也都人士由水火而登衽席感深五內諸公之豐功盛德歷久遺忘欲綜其事之顛末勒之貞珉囑余爲文以記之余始陷在重圍之中繼復助理善後事宜知之頗詳謹承諸君之命紀其梗概且爲之銘

黃河浩瀚

陰山綿延

薩城繁富

素號巖疆

邊匪蹂躪

揭地掀天

天兵一至

渠魁就殲

攻守互用

黎庶安全

諸公盛德

億千萬年

重修水澗溝石壩記

民國十三年

陸瑞庭

◎薩縣城北水澗溝石壩創於季清代遠年湮壩迹冲刷淨盡上年山洪暴發水向南流以遏止無從因而縣城頓受損壞怡庭陳公來長是邑見於斯壩之重要爰召集同仁等開會興修兩月而功成計長二百五十丈寬高不等落成之後本年縣城未受洪水威脅誠人工勝天也甚望後日加以永久保護藉維斯壩之不朽則幸甚矣是爲記

聖母廟重建碑文

成紀七三三年

田端符等

古者以神道設教奶母亦列於祀典而寺觀齋宇大都垂爲古蹟文化攸關前者政令各地保存古蹟義不外助昌文化而已查我縣城中聖母廟建於清代乾隆中年規模宏大窮極莊麗每年夏曆四月十

八日香火之期一般善男信女來廟禮神還願者雲興蜂擁不可勝數不幸於民國二十三年正月寺內住持弗戒於火無情回祿大肆淫威正殿五間付之一炬莊嚴燦爛之廟宇變成瓦礫凋零之破寺良可慨也迄今數載頽廢依然荒涼如故每逢遊人涉足莫不觸景興感視爲遺憾（同人）等怒焉心憂共議重爲修建恢復舊觀預計需款五千元有奇俱由（同人）等分擔募集共襄義舉所有正殿五間規模尺度悉遵舊制東一間祀阿彌佛西一間祀觀音菩薩正三間爲 聖母大殿內中仙山佛洞較舊工高大巍然可觀樑棟雕畫悉揀精彩自本年三月間開工計至九月末工竣連同東西禪室山門圍牆一併隨工修理經歷八閱月始告畢事遂使荒涼之破廟復成煥然之殿宇古蹟復興舊景生色不有前賢之創導將何啟後人之欣慕至於募款出入另行表彰工程既畢謹記其事以示後人云爾

重修薩縣保安石壩碑記

成紀七三五年

張樹培 潛夏

◎薩拉齊縣城北十五里有山曰陰山普通志稱爲大青山亦曰大斤山又稱秦山即此山勢巍然橫亘北郭連峰東徂蛇蜿蜒數百里莫知紀極其中窮谷幽壑雪根石罅峰頭千尺樹杪百重瀦泉南麓流而爲澗遂成大溝曰水澗溝歷年夏秋間山洪驟發溝水漲溢近溝村田園地灌漑失其利旋築石門依溝審勢截水橫流略倚救濟以補其失乃縣城距離匪遙地低窪位適衝要矧山雨連綿洪水高漲飛騰直下澎湃而南來城遭土崩之虞民罹其魚之歎較村田園地之損失害尤不可勝言矣於是乎本縣商民醞資募捐自清咸豐六年春勦建城防土壩一座袤若長蛇狂瀾倒挽厚若蹲象濁浪潛迴前臨方堞市聲依然後瞰平臯禾苗無際此誠一時之保障萬家之安全也然而星移物換安堵不常年久日深修葺無主未幾而溝

水冲而土壩決而竟完全傾圮益以風雨摧蝕牛羊踏踐欲求壩跡悉已成塵俛仰興廢輒不禁有陵谷之感民國二十三年春陳令應道呈民政廳准撥縣款踏舊跡定重修歷時兩月工竣翌年霪雨仍遭冲毀及二十五年于令純齋再約集商農兩會並環壩各鄉村按股攤款力圖補修惜因事乃中輟迨至成紀改元七三四年縣令韓公紹祖蒞任訪是壩之遺聞鑿前車之覆轍當會同地方士紳及商農各會毅然發起重行改修並將壩身延長七十二丈純粹築爲石體砌堅石成高壘匠心獨運慘澹經營閱十四月而大功告成復組織石壩工程處保管委員會以維常時而善其後是雖衆擊易舉共畢其業實非由號召者貞志竭力鼓舞邁進於不倦曷克臻此天下事莫難於徧莫不難於繼每見披荆棘闢草野以圖始基終樂而成如操勝算及依舊規重新建設以期補葺於久安或力不從心事與願違如任重道遠然何哉豈先後揆不相及其視物我之輕重有動於中而不自力耶抑時有安危工有難易畏難而苟安不無自餒之心而罔顧其他歟然繼往開來愛物如己雖遭世故之變遷仍以功業爲根本其間能自淬勵視民溺如己溺而不肯推諉者詎不賴有精進決心不計安危難易之縣令哉禮曰完隄防謹壅塞以備水潦詩曰維石巖巖民具爾瞻若韓公者其斯之謂歟邑人公意願泐石而彰之廼乞予爲文以紀其巔末且企與滎陽之沈萊堰錢唐江之石隄並傳不朽焉

韻 文

魏高祖講武碑頌

北魏 崔 浩

◎碑在陰山講武台西南山下即廣德殿所在地其殿四柱兩厦堂宇綺拱圖畫奇禽異獸之象殿之

西北便得焜煌堂雕楹鏤桷板取狀古之温室其時帝幸龍荒遊鸞朔北南秦王仇池楊難當捨蕃委誠重
譯拜闕陛見之所也故殿以廣德爲名太平眞君三年刻石樹碑爲頌勤宣時事詞云

肅清帝道 振懾四荒 有蠻有戎 自彼氐羌 無思不服 重譯稽顙 恂恂南秦 歛歛推亡
峨峨廣德 奕奕焜煌

附註右侍中司徒東郡公崔浩之詞也碑陰題宣成公李孝伯尙書盧遐等從臣姓名若新鏤焉

勅勒川歌

北齊斛律金

勅勒川 陰山下 天似穹廬蓋四野 天蒼蒼 野茫茫 風吹草低見牛羊

邊詞

唐張敬忠

二月垂楊未挂絲 五原春色舊來遲 只今河畔冰開後 正是長安花落時

煖川

唐李益

胡風凍合鷓鴣泉 牧馬千群逐暖川 塞外征行無盡日 年年移帳雪中天

夜上受降城聞笛

前人

回樂峰前沙似雪 受降城外月如霜 不知何處吹蘆管 一夜征人盡望鄉

塞上行

朴士林

柳色正沈沈 風吹秋更深 山河空遠道 鄉國自鳴砧 巷有千家月 人無萬里心 長城哭

崩後 寂絕至而今

塞 上 曲

前 人

一隊風來一隊沙 有人行處沒人家 黃河九曲冰先合 紫塞三春不見花

偶隨邊使過五原

儲嗣宗

偶逐星車犯塞塵 故鄉常恐到無因 五原西去陽關路 日沒平沙不見人

逢友人邊遊回

唐蔣能

遊子新從絕塞回 自言曾上李陵臺 尊前語盡北風起 秋色蕭條胡雁來

關 山

唐員半千

路出金河道 山連玉塞門 旌旗雲裏度 楊柳曲中喧 喋血多壯胆 衰草無怯魂 嚴霜斂

曙色 落月辭朝暾 塵銷營卒壘 沙淨都尉垣 霧捲白山出 風吹黃葉翻 將軍獻凱入 萬里

絕河源

登單于臺

李士元

悔上層樓望 翻成極目愁 路沿葱嶺去 河背玉關流 馬散眠沙磧 兵閑倚戍樓 殘陽三

會角 吹白旅人頭

過李陵臺

元 薩都刺 天錫

降入穹廬媿將才 山頭空築望鄉臺 蘇郎有節毛皆落 漢主無恩使不來 青草戰場雕影沒 黃沙鼓角雁聲哀 那堪携手河梁別 淚灑西風骨已灰

李陵臺

陳孚剛中

落日悲笳鳴 陰風起千嶂 何處見長安 夜夜倚天望 臣家羽林中 三世漢飛將 尚思甘泉宮 虎賁擁仙仗 臣豈負朝廷 忠義夙所尚 漢天青茫茫 萬里隔亭障 可望不可到 血淚墮汪漾 空有臺上石 至今亦西向

北塞

戚繼光

畫角聲傳草木哀 雲頭對起石門開 朔風邊酒不成醉 落葉歸鴉無數來 但使元戈銷殺氣 未妨白髮老邊才 勒名峰上吾誰與 故李將軍舞劍臺

登紅山墩望套次南谿韻

明三邊總督曾銑

嗟哉河朔地 幾載別中原 司馬辭樞筦 萊公去北門 請纓身未老 倚劍志猶存 指顧王廷去 西巡遠近村

河套西望

清康熙三十六年平噶爾丹出大同入邊作

往代存虛議 今爲我外藩 河環沙磧暖 境闊草灘繁 錯落延綏接 迷離朔漠吞 時巡會不到 特示撫柔恩

出塞

沿邊山行取道塞外沙淺途平水草咸便日
十二日之程減半得達安邊堡書以記之

康熙帝

森森萬騎歷駝城 沙塞風清磧路平 冰泮長河堪飲馬 月來大野照移營 郵籤紀地旬餘驛

羽轡行邊六日程 天下一家無內外 烽銷振罷不論兵

塞上

康熙帝

半嶺黃雲合 風悲鼓角聞 野蕪沙草外 落日自成群

食半翅 邑產土鳥

朱彝尊

味合添雜筍 羹宜配凍醪 登盤人未識 入肆價須高 且緩思鸚炙 全勝食雉膏 莫愁嘗

易盡 應為戒貪饕

塞上

法式善

野水吞人面 青山甕馬聲 浮雲連帽起 殘雪帶邊行

附志餘漫墨

重來薩城修志感作

蕪陽潛叟

流水光陰似逝波 邊城幾度使車過 回想十五年前路 半踏春泥認不多

帽影鞭絲得得來 依然官道北門開 停車不為楓林晚 檢點輕裝劫後灰 (入門停車軍警

檢査)

城郭巋然聳夕曛 市聲鏗影逼黃昏 授餐莫憶陳蕃榻 官閣梅花夢未存

重游初憇帝君祠 適館西軒借一枝 (予初來承縣令韓公介宿關帝廟西院縣商會內) 領袖

陶朱多好客 高情亦似鄭當時

漠南往事總成塵 大邑深知有故人 漫道澹交原若水 十年闊別最相親 (老友水亭元文

諸君相見甚為快慰)

萍蹤聚合本來難 新雨相逢似舊歡 (近日館中丁紹先洪毓英王月如等同仁一見如故甚為歡

洽) 同是天涯休恨晚 共留風義後人看

風塵依約續前游 小住仍如不繫舟 多謝居停安硯席 一編終日且淹留

半生秃筆終無着 老境霜枝晚更香 深媿龍門才識遠 漫從何處寫蒼茫

奉贈韓育庭邑候

潛 叟

百里侯優百里才 河陽花看滿城栽 愛民勤政心如水 積得循聲遠近來

昌黎清望舊家風 濁世翩翩大雅容 幹濟經綸兼閱歷 幾人堪並論才雄

暮年幕府勤勞異 兩載邊城治績多 水北山南重見日 暫拋桴鼓聽絃歌

萍踪偶聚寄衙官 把袂傾心勝舊歡 同在天涯媿高臥 閉門風雪不知寒

創修薩志贈韓邑候

潛 叟

百年文獻久銷沈 雅化開荒獨苦心 (韓侯倡議主修縣志) 一旦宏編成創製 千秋遺事費

搜尋 魏唐故壘空存古 秦漢邊墟紀異今 數月艱難勤攷訂 敢期著作附名林

群才終日惜陰時 一簣成功賴總持 風土分疏千載異 圖書商榷寸心知 塞泉流水城安在

廣德深山殿已曠 尙幸首存名勝跡 使君功業最堪思

夏日病臥縣志館中偶感

前 人

放眼觀千古 英雄自有真 天心原厭亂 吾道本安貧 雞鶩爭餘食 蟲沙歎夙因 漫談立

地佛 何處悟迷津

熱境何多畏 閒情倍黯傷 世風嗟薑尾 客路感羊腸 鬼尙高明瞰 魔從慧定防 中天輪

月在 恙影早潛颺

宦游三十載 足跡半天涯 苦守平生拙 深虞捷徑斜 醉吟思太傅 痛哭慕長沙 不斷南

歸計 江鄉有舊家

擲管連三月 拋書午夢回 偶然吟自遣 不覺感紛來 大邑河山輔 斯文我輩開 百年遺

獻在 莫再問秦灰

縣志編成留別薩城政紳諸友

七三六年八月杪

前 人

春來秋去幾經時 駒隙光陰轉恨遲 五月勉成名邑史 重游尙戀古城池 逢場拭目多新契

把袂論心有舊知 媿我疏狂兼老拙 還慙大雅共扶持

溯唐守捉說雲中 (普通志載唐雲中守捉城即今治) 鼓角當年氣勢雄 兩戒關山平漠上 一城今古大河東 書成草創慙無識 筆少花生寫未工 最願常存萍水感 逸情猶向嘯嘯翁 (宋

蘇髯贈張子野詩試問嘯嘯翁予願諸友亦毋志嘯嘯老叟

百里平原抱古城 青山無黛北門橫 鍾靈歷見人才志 (志載人物英才輩出) 問政同書

國士名 (職官門內縣府科長以上均特列名) 晚境忽逢朗日 前途常聽頌歌聲 武功事業

鄉耆望 枯筆深慙負熱情 (明康對山先主修武功縣志後世傳爲佳志本志邑侯韓公創起主修鄉

耆熱烈輔佐予羈塞上躬逢其盛深媿麓才有辜重望)

輪蹶回憶塞西游 宦海波中寄廿秋 冰雪功名渾似夢 雞蟲得失等浮漚 天涯偶聚情常在

楚尾遄歸志未休 (予家鄂東濱江蘄春城內尙有薄田數頃老屋數椽久思南歸交通猶梗未知能償

夙願否) 最近驪歌雖唱別 故鄉尙好是豐州 (予寄籍古豐二十餘載新親舊友儼成故鄉雖與

諸公別離尙非遠阻堪慰情於後會耳)

◎謹案本邑文獻明代以前歷年渺遠搜輯無從迨明清兩朝俺答踞爲游牧之區乾隆闢爲協理之治政事雖設教育仍弛客籍游民安陋就簡風俗崇樸文化晚開韻事流傳既少人文寥落猶虛東壁圖書何來著作西園翰墨亦尠遺存况滄桑之多變尤金石之莫徵藝文一編依稀絕響爰勉就清時碑刻及有關邑咏篇什擇其要作彙而錄成散韻兼收詩文並著文不論工拙詩不分古今悉仍其舊不稍刪潤以存厥真而資紀實聊慰後人思古深情藉勝於無云爾

◎再志餘漫墨藉明修志本末並存爲文化歷史紀念予原著有潛廬詩鈔並撚髭閒話兩集惜尙無資刊印揮翰之餘曷勝感慨(潛叟附識)

卷十六 雜記

天 災

◎傳曰天災流行國家代有古所謂天災者概專指旱魃爲虐凶年饑歲而言也其如洪水之爲害冰霜之侵凍疢疢之傷蝕瘟疫之傳染則不勝枚舉然而影響於民生一也豈僅荒災而已哉現在科學昌明人力造作巧奪天工一切災禍皆可挽回惟人民知識錮陋對於各種災害認爲天厭生民束手待斃茲就有害生民災禍擇其鉅厲者志之以爲前鑒

◎荒災 本邑位居西北地勢高昂海拔千米接近沙漠離遠海洋浸潤氣壓高超朔風時起縱天空含有水量然受大沙漠薰蒸立即風清雲散化歸烏有荒旱之災即兆於斯據故老相傳清光緒四年十八年二十六年旱魃爲虐形成荒歲概由先一年伏暑點雨未落入秋冰霜早降苗而不秀或秀而不實是以赤地千里野無青草瘡痍滿目災象環生既無耕三餘蓄又乏新稔收穫壯者散而之四方老弱則流離溝壑剝草根樹皮以爲食執馬勃骸骨而然爨飢民顛沛無歸餓殍狼籍盈野鬻妻賣子比比皆是美貌婦女僅值制錢六七千文俊秀孩提無人收容往往有一個窩頭換一妻室甚有將子女推納溝中隻身死亡亦有數口之家仰藥自盡者其慘酷情形令人酸鼻據傳當時災禍僅限於一般無產階級者富厚之家依然粟積如山蓋藏甚厚奈爲富不仁視爲奇貨高抬市價一毛不拔悲天憫人無此心情而災劫餘生焉有資

陸打齊縣志 卷十六
財糴糧度命祇得高項黃馘僵死曠野况牧民者又皆四體不勤五穀不分深居簡出養尊處優常存客觀之心毫無民隱之念故狗彘食人食而不知檢塗有餓莩而不知發以致道殣相望骨肉離析古人云朱門酒肉臭道有餓死骨其弊在於不均而非患寡也

民國十八年荒旱再起民不聊生災祲奇重亘古未有誰曰昊天不惠降此大凶益以連年匪患蹂躪頻仍舊有蓋藏搜索殆盡新望收穫巨細未登饑荒之象布遍全邑人民傾家蕩產十室盡成邱墟城市鬻妻賣子八口悉遭塗炭露天腐地爲逆旅古刹荒寺作宿所野草樹皮以果腹螻蛄蝗蝻而充饑羅雀掘鼠搜刮已窮啼飢號寒哭聲載道黃童白叟鵠面鳩形鴻鶴之哀鳴未絕庚癸之愁呼時起一鄉之中炊烟斷絕四境之內鷄犬無聲淒淒戚戚何其慘耶出口之品以人爲大宗少壯婦女作人妻妾鬻齡子女男爲優女爲妓晉冀居民平津人販相率來邑娶妻販人者絡繹於途婦女價值二百元童子十元賣在本省與邑境者價值尤低傳曰易子而食執骸以爨此之謂也苟得一食之飽即人世譏笑輕薄揶揄之態任何形容任何犧牲在所不計其饑饉之極亦可概見兼以是年冬大雪屢降厚積數尺匝月之間不見天日氣候嚴寒曾在攝氏表零下三十餘度水井結冰不能汲飲果木亦皆凍死而災劫游魂被凍以死者又不知幾何矣彼蒼者天曷其有極邑境官紳雖呼號賑濟設平糶放賑糧究屬杯水車薪難蘇重厄耳

總紀以上荒災以民十八爲奇重而死亡人數反較往昔爲少一則交通便利易於行動一則人情社會兩相活躍不甘忍守餓鄉僵死田野况在昔交通不便行動維艱且人情敦厚循軌守法寧爲餓死鬼不作犯科人故死亡者亦較多也

附荒年銀糧價目表

年	別	雜糧價目	小麥價目	白銀價目	婦女價目	孩童價目	備	考
光緒四年		一千五百文	二千文	一千三百文	十千文上下	無		
光緒十八年		一千二百文	一千五百文	一千二百文	全	全	前	
光緒二十六年		一千文	一千二百文	一千文	全	全	前	
民國十八年		二元五角	三元	一元五角	二百元上下	十元左右		

附記 (糧銀價目均以舊斗兩爲單位)

◎水災 據追記所傳清同治六年黃河由今之第三區屬王八窰子村決口水勢東流直達邑境東界長流一百五十里除沿山高地外皆汪洋一片悉成澤國房屋倒塌村落爲墟以致人無棲址畜無停廐生命財產付諸流水九年邑同知文山鑒於水患連年生靈塗炭乃請准上峯撥款堵口名曰四股八厘口水患乃息民始得安

光緒二十九年夏黃河由準格爾旗決口名曰車架口子水勢急湍向東北流達邑境東界五區半壁悉成水海面積雖不若已往廣闊而災祲亦甚巨至三十二年邑宰屠公會同托縣同知糾合士紳南西河堰村岳瑞五雙龍鎮張廣福王政征工堵口日需工兩千餘歷兩閱月工竣水患始平迄今功績猶存尙賴保守

黑河之水歷由厚和所屬之鐵帽爾村入境西流折而南成一大弧形縈繞七十餘里每屆暑期天雨浩大山洪匯入河水暴漲沿岸汎濫濱河一帶時遭水災而近年尤甚民國二十二三兩年河水出岸遠近村莊汪洋一片遭災甚重夏秋田苗淹沒殆盡人畜傷亡亦多

自二十六年迄今河槽淤埋高岸爲谷平地成渠沿河則洪水混流匯爲淖海歷閱數年幾成澤國各村室如懸罄四外野無青草生者寄宿無址死者葬身無地房屋摧毀滿目皆是人民叫苦不堪言狀尙望當地有司綢繆未雨保境安民以善其後

◎瘟疫 民國六年鼠疫流行經西醫檢定名曰黑斯篤病傷人甚烈起自城市漸及鄉村業經染病無一幸免初則頭疼繼則吐血閱一二月而死雖父母妻子亦不敢趨前看護而游民乞丐爲窮所迫反認爲謀生活路乃日夜奔跑抬埋死屍每抬一屍可得銀洋百十元無力者由鄉中集資爲之旅店妓寮死亡尤烈嘗有數口之家死亡殆盡者鄉村中交通路口常派人看守口帶面具手持長杆凡外來者以杆截觸之人皆杜門不相往來聞有六齡孩童家人皆死沿街號陶村人憫之當街設炭火一盆囑其取暖每餐置食街中飢令取食哀憫之情石人淚下翌年一月北京陸軍醫學班來邑防疫頗著微效三月間病乃息死亡人數不詳

二十一年夏秋之間霍亂症盛行西醫名曰虎力拉傳染亦烈患者腹內疼痛吐瀉不止頃刻之間即可斃命若趁早札針尙能治愈當時中西醫生暨慣札針者晝夜不暇爲人針治邑立平民醫院敦請多人分派城鄉一面施術治療一面注射防禦歷時不久即告平息統計死亡人數約千餘名

人禍

◎本邑在有清一代地方救平人民安樂可謂路不拾遺夜不閉戶也是以鄉鎮之間當舖林立貨行櫛比地方繁榮民稱殷富宣統之季雖有跳梁小醜要路劫奪而僅限於僻村僻道詎辛亥起義民軍來邑一般優伶隸卒無賴流氓紛紛盲從濫竽軍伍爾官我兵乘盛一時卒以不守規律遣散還里窮迫無聊乃生非想三五成羣結夥行劫然所剽掠者大抵富商鉅賈爲富不仁之家用以恫嚇欺詐手段稍飽即颺而殺人放火姦淫綁票之事尙未嘗聞也且於縉紳先生尤爲尊重慨自盧匪擾亂後匪人愈出愈奇作惡愈演愈烈二十餘年無日不有匪無匪不騷擾故地方一切凋敝及種種不景氣現象皆由土匪所造而成今就其匪夥之巨大而爲害最烈者擇而志之以儆來者

◎匪災 民國四年舊曆十一月二十六日有盧占魁匪夥一千餘衆由五當溝竄出直撲邑城當時負城防責者祇有警察五六十名匪驚傳來全城大譁官紳商會皆齊集城上派人與匪和議議未決而匪人直衝城下攀垣而入知事鄧西峯棄城潛逃城遂失陷匪人反牢劫獄釋放囚徒檔案文書付之一炬徵收機關暨殷實商號被搶一空市面混亂無人維持盧於翌日乘坐劫獲剿匪某軍官之四人小轎進城駐紮高等小學校使教員學生當夫役講堂飯廳作馬厰左槍右戟威風凜凜一呼百諾興高彩烈大有惟我獨尊之勢尤可笑者強迫高小教員蜀人祝佩文篆鐫印符文曰塞北都督招討使兵馬大元帥飛虎上將軍盧等印命匪衆搜捕吏役及徵收機關員差業經捕獲者殺勿論故縣署門前屍體狼籍血濺街衢佔據五日之間沿門挨戶恣意搶掠慘無人道旋駐包頭鎮李司令鶴翔率兵來攻而兵不用命乃下令破城

後准予重賞城遂克復官兵入城亦復沿門逐戶藉查匪爲名任意搜刮民不聊生以致政治樞紐繁富城市竟成廢墟匪夥出城後竄擾東鄉一帶焚燒劫掠更爲刻毒附近小股土匪亦應時而起各鄉區署槍械以及村鎮商號搶掠一空地方元氣大爲傷盡盧匪雖經剿除出境但自此之後土匪時起時伏千百爲羣屢年嘯擾迄無寧日水深火熱民已不堪命矣

◎據當時有在高小學者云城陷始末均曾目覩匪人中後山鬍匪參牛身著黃紅長袍頭戴毛冠足登皮靴手持長矛腰橫大刀兼能口操蒙語背負龍旂仍以海螺爲號古稱胡笳夜間胡笳大作嗚嗚之音徹夜不絕兼以羣馬悲鳴肅肅之聲達旦猶在滿城腥羶之氣一片肅殺之象觸目驚心不寒而慄李陵謂胡笳互動牧馬悲鳴種種淒泣非虛語也

附于孔昭氏土匪記於左

◎民國二年庫倫亂起有外蒙黨首委東盟某公爲內蒙招討使並給予槍械數百枝潛入內蒙招兵當時投附者即爲盧占魁(字耀臣豐鎮縣隆盛莊人)夥友趙有祿蘇雨生爛頭老二等未久招聚千餘人委盧爲統領旋又劫奪蒙旗槍械名馬多種聲勢浩大跋扈日甚竟成尾大不掉之勢迨倫亂救平某公失勢該匪等無所依歸遂聚烏合之衆流而爲匪綏遠土匪之有槍械即肇於斯四年秋盧匪盤踞白林加索等地號稱獨立馬隊(獨立隊之名由此始)四出綁票謂之請財神(請財神名由此始)商路斷絕貨物停滯薩包商會電請剿除日必數起而都統新任未久所轄軍力單薄正籌擴充不遑顧及迨至十一月間盧匪狡焉思逞躍躍南下包頭危岌勢如累卵地方各界聯電中央告急都署亦秘電請兵陸海軍統率

辦事處乃令馮占元（係袁克定馬弁）爲剿匪司令李鶴翔副之率騎礮軍十營到包剿匪馮到包後以盧匪跳梁小醜不足爲患頗輕視之十一月二十日率所部騎礮各隊向後山進發馮即乘坐紅圍四人小轎殿後督隊行至銀號村等處與盧匪接觸因不諳地理被匪襲擊遺失大砲數尊槍彈多種幾被截獲乃棄轎乘馬遁敗回包緊閉城門不敢言戰盧匪乘勝分兩路出山一股出黑牛溝撲察素齊鎮一股出五當溝攻薩縣致釀成本邑百年未有之浩劫吁可悲已

十一年春邑境保衛團官佐兵夫皆加入哥老會躍躍欲動范縣長侯團總斌成受金錢誘惑坐視不管突於三月二十八日夜勾結城外土匪入城將范縣長侯團總輒禁圍攻縣署警察隊長被害開放監獄囚徒其中有要犯張洪率領囚徒名曰敢死隊混濶其間將縣署暨保衛總團存儲槍彈席捲一空各區亦盲從響應推侯團總爲首領地方大亂民苦益甚旋侯被馬都統誘殺匪夥四散而繼起者大有人在一般落伍軍官接濟槍彈無聊吏員籌謀擘畫故人皆先在會後當匪一經爲匪腰纏萬金囊橐纍纍走馬揚鞭耀武鄉曲而沿黃河一帶居民皆神木府谷等地土著身材短小輕捷佻儻風氣貪鄙目覩匪衆榮耀不禁垂涎弗已故無家不有匪無人不當匪邑境著名匪人皆產於斯地也

先是十年冬哥老會傳會甚力有秦人小五楊者名楊萬禎爲龍頭綏西各縣皆設有碼頭會中分清洪水兩派清水派曰秋子行又曰頂門墊戶洪水派曰杆子上又分忠義五福等堂名暨峨眉終南等山名以別尊卑次序禮一般劣紳土棍無賴流氓爭先入會有駐包頭甘軍統領蔣輝若者早已在會助揚甚力薩包固五安東等縣均已會化（稱清水或云雁通）在邑境傳會（稱栽培）者二四五等區均有首領

夜間三五成群相率焚香結會白晝聚集一室練習會語（稱團條子）鄉人有反對或不贊成者立遭橫禍凡在會者所有財產與匪共有任何糟踏不敢起齒如幫碼頭（稱門份子）欸業經派定即傾家蕩產亦得完納故籌措十萬八萬極爲容易楊旣擁有鉅資乃權門奔走官寮往來竟有山西國會議員賈述堯（平魯人）拜爲門徒而土劣等更是群蟻付羶稱子稱孫者跡踵不絕

十二年春省令清鄉凡哥老會人員暨大小土匪格死勿論綏遠警備隊第三路司令劉會文捕殺池喜全及其羽翼鄭金聲旅長駐邑城捕殺匪首周老么張長腿馬鴻逵旅長捕殺匪首白占元石敬亭旅長捕殺小五楊張洪及其弟（此民十五年事）哥老會由此絕跡是年夏蘇雨生趙有祿高二拴率夥千人復由河西來擾闖入托縣將知事徐燾劫去帶至某鄉因腿部傷重流血過多殞命

十四年元旦蘇雨生趙有祿劉喇嘛（綽號爛屎劉）由五原譁變來邑夥約二千餘衆殺人放火沿路擄掠橫行萬狀慘酷備至所過之處燄霧彌天人民扶老携幼四處逃避途爲之塞二月都統李鳴鐘來邑宣慰土匪正擾及城南十里近村李氏聞訊色變當即乘專車返綏匪夥尾追至麥達召車站車甫過匪毀橋梁暨鐵軌數段交通斷絕者十餘日

十五年秋國民軍十餘萬衆敗退壓境其中二三四軍皆陝豫察綏招撫雜匪故經過之處洗劫一空當地土匪亦乘此時機晝夜行劫殺人放火任性所爲竟將五區朝號村屠殺百人焚燒數十家地方損失尤鉅

十六年冬晉奉戰起匪勢大擴如趙青山郭春山金寶山徐文標李三河皆被收撫爲旅長戴海源廣

義爛鏟高辛留柱張升雲廣林楊五在李福小蘇八音爲團長陳得勝直屬奉系師長皆揚眉吐氣彈冠相慶每一匪夥俱有各軍收撫員隨後遊說爾勾我引彼變此迎以致土匪身價日高自居奇貨橫暴之心日益驕恣而各軍長官爲求其勢力澎脹亦不敢約束祇得曲予遷就勉趁匪意而行名爲官人實較當匪時尤毒故由搶掠而變爲發掘殃及枯骨其害更有不可勝言者

十七年春匪軍駐紮邑境大事搜刮金寶山搜掘準格爾旗及二區食糧趙青山搜掘三區食糧徐文標搜掘四區食糧郭春山搜掘五區食糧白晝結夥成群沿村逐戶橫打立罵任意勒索夜晚百十爲群逞勢搶掠婦女之稍有姿色者間被欺凌家戶之稍有積蓄者必遭飛禍故死於非命者不知凡幾矣且人民稍有口角之爭一旦聞知立即派隊遣傳到營後不問曲直先則非刑毒打繼則兇勒罰款兵敲弁詐種種惡蹟罄竹難書匪人既造成災象又兼昊天不弔旱魃爲虐赤地滿目人民流離是年冬趙青山率匪夥三千餘衆渡河東竄與邑境小股土匪併約五千餘衆北自陰山麓南達托縣城漫村遍野一片土匪世界殺人放火吊烤燒迫視人命如草芥經過村鄉男無完膚女多逃命而災劫游魂何堪受此荼毒計此次擾亂西自寧夏東抵豐鎮往返月餘路達七千餘里爲害最烈雖唐之黃巢明之闖獻亦不過是先是秋間邑民逃荒河套就食及匪竄回五原引頌難民搜掘食糧及匪人走後縣令因前事驅逐難民出境時值嚴冬長途跋涉死於道路者又十之四五耳

十八年春趙匪被擊身死夥四散以後小股土匪時起時伏千百爲群屢年騷擾直至二十一年始告平息

附收撫縣籍軍官人名表

陳得勝	虎臣	第二區白萬圈村	綏遠騎兵第三師師長	民國十七年二月
趙青山		第四區后荒地村	第三十一軍騎兵旅長	民國十六年七月
金寶山		二分區	第三十一軍騎兵旅長	民國十六年一月
楊耀峯		第二區	第四十一軍師長	民國二十二年四月
戴茂山		第五區戴家圪泊村	綏遠警備第一師團長	民國十六年九月
王占元		第五區獨力壩村	第四十一軍騎兵旅長	民國二十二年四月
康從良	子貞	第二區壩圈村	同前	民國二十六年四月
高鳳山		同前	第三十一軍騎兵團長	民國十六年七月
呂德明		第二區二虎營村	同前	同前

◎案陳得勝以下所列者皆窶人子狂野成性流於椎埋非天之有意生成其陷溺於環境者亦多矣溯自民元以還民無寧日苛政虐於猛虎官威酷於毒蛇血氣之徒挺而走險事雖狂悖實倂使然惜其既經收撫已列戎行終猶野性難馴均無善果吁可慨已聊贅編末以為鑒戒

怪異

◎民十七年三月一日夜狂風怒嚎飛沙走石翌早西城門洞鼠尸堆集門為之塞沿城牆根視測亦

如之人皆詫異後經西醫檢驗因時隔多日鼠尸腐壞亦未明究竟據鄉老經驗主有荒災果然是年大旱歲饑饉

◎謹案當時有人檢查鼠尸覓得左胸部有一小孔稍現血跡足徵是疫

◎民二十五年夏善岱鄉李寶娃家中牝猪產一象鄉民稱奇觀者如堵延半日而死

◎謹案動物學推求猪絕不能產象所謂象者乃生理上之一種病態變象鄉人不明此理誤以爲象張元文君言於民十七夏掌省立職校一日在市上遇一少年呼叫賣象召視之乃尸體也問所由來曰猪產之遂出洋五角購之備作標本細查週身無毛面部一大眼眶內二珠額垂一肉條類鼻純係一變態猪想李寶娃之象亦此類也

佚聞

◎成紀七三五年五月二十三日本邑第四區屬党三窰子村王姓家有老牝牛參養多年忽有孕臨產時生一小牛項長二首頭角隱然人視爲奇當時喧傳滿城爭相往看雙頭牛犢生三日而斃攷植物中多有並蒂連理之說不料動物竟有駢首亦畜產生理上之怪現象

大青山後廟爾溝村西北山中產雲母石俗呼爲天皮光緒年間屢經土人採取掘成山洞相傳洞內有孤仙居住某日玉豐恒商號之火夫陳某在村西田中碎擊土塊偶見一三十許麗人風韻猶存曰子無寂寞乎可隨吾往自有佳境陳身不自主相隨至天皮洞中逐日供以山珍野味惟無水飲女每逢出門即以巨石障洞口潛逃不得盤桓三日萬分渴燥婉求麗人曰少飲以水以解渴女不應屢次要求繼以泣

下女忿曰去休隨吾走飽飲子水天已昏黑乃隨至一井口女曰子伏身井口探水斗而飲之可乎陳即伏身探入井中擬取水斗不意被女倒挽足跟推落井中井深十餘丈自分必死不料落於井底毫無損傷危坐於涵木之上遂大呼求救比及商號人得知救出井口方知爲玉豐恒墻外之井後亦無異

同治年間廟爾溝一帶忽起牛瘟村中日死數十頭商號玉豐恒有牛八十餘已斃二某晚夜宿飼馬月明如晝見一人携一磁盎不知盎中何物置盎墻角以匙向盎盛之灌入牛口每牛一匙連灌數牛夜宿奇異猛悟其非人乃俟其背後灌牛之際奪盎到手其人驚覺卑詞懇求並言我係牛瘟使者倘不見還難覆上命夜宿曰璧歸可離此地使者應諾夜宿又曰己病之牛可有救乎使者曰有大黃（他葯失記）煑湯飲之立愈語畢携盎而去轉瞬不見廟爾溝由此再未死牛間有病者即以所告之方醫之立見效迄今廟爾溝尚有人保存此方每遇牛瘟依法治之無不神效

第五區保同河村張胡藍者性良善於三十歲時一日臥病而死寡母哭於傍忽有聲自外來曰勿哭勿裝殮與汝兒長壽去矣必放歸其母出門視之四外無人頗異之乃遵囑守候時及夜半張突向母求水飲數斗而蘇曰午後有二衙役將吾拘傳到案至一官署設置與世相侔官升堂後問明姓名藉貫曰傳汝來無甚事與汝長壽幾年而已即令原差送之歸並見有同里故去張雨生在署掌管鬼卒遂復活現張年七十餘歲或爲陰陽幻說豈真有歟

民十四初夏托屬三間房村崔某年約二十許一日身感不適遂入室稍睡時甫過午其母在厨炊飯驟來一陣旋風衝門擊窗非常劇烈忽聽得室中匙盆亂響聲甚厲風過後母至室中視之見崔身首異

處鮮血淋漓濺滿炕上當時其弟婦尙在院中濯衣祇見旋風入室亦甚驚怪究竟如何而死迄不明其原理

大岱村田千歲之妻某氏知命寡居無子嗣性潑悍十八年春氏病侄媳等侍奉湯藥一日晚侍者奉湯飲畢將門由外扃鎖返己室就寢深夜偶聞有磨刀霍霍聲驚醒細聽寂然亦未介意翌早啟扃慰視病人駭見氏頭擲炕角四體分裂詎料尾隨一犬突跳炕角銜頭而去追尋至再不復獲嗣有李姓長工由場中得之終難明其死狀事甚離奇人多莫解

民國二十一年夏邑境虎列拉流行甚烈善岱不分男女老幼日斃多人凡染是疫者九死一生蒙人滿納洞之妻年方二八忽染斯疫初則診治二日後已入膏肓人事不省家人見病不瘳已知不起誠恐其傳染將其扶入隔院空室專候氣斷不料遷入第四日氏忽清醒求飲水連飲冷水數斗方能言語自言病之二日後自亦不知其病游游蕩蕩走出門外好似身不自主之狀隨風飄動但見沿途紛紜男女雜沓往來道上喜笑者怒罵者號泣者憂鬱者不一而足當時氏孤零無主不知走向何方乃任步閒行雖有多人無一相識者欲問又羞澀難言因而昏迷東西奔走無安身處至第四日忽逢其祖母偕同老嫗數人迎面而來祖母驚曰子何來也此非子遊之地可速歸應曰孫媳不識途已奔波數日矣祖母謂諸嫗曰請嫗等先行吾送孫媳諸嫗曰請便祖母曰孫媳速隨吾行吾送汝歸語畢祖母先行有如風馳竭力追隨尙不能及祖母曰孫媳疲矣可速行歷時未久至宅門祖母曰子歸吾尙有他事不及返家矣語畢返身而去氏入門忽然醒悟病若失儼然再生矣

Faint, illegible text columns, likely bleed-through from the reverse side of the page.

成紀七三八年四月一日印刷
成紀七三八年五月十日出版

不 准 翻 印

非 賣 品

主修者 薩拉齊縣長 韓紹祖

總纂者 蕪 陽 張樹培

印刷所 厚和 小大鉛印局

勘誤表

卷別	類別	頁數	正	誤
一	題名		田端符	(瑞)字誤
一	題名		崔瀛	(英)字誤
一	全圖		托斯和	(斷)字誤
一	沿革	一	稍能掇紀	(綴)字誤
八	野產	一九	熊絕少	(態)字誤

校梓附記

本誌自排印至出版歷時兩閱月中間因誌材增刪變更與往返連絡事務所耗時間何止匝月以限期之短促雜事務之混淆卷帙繁重稍一大意則脫略訛誤在所難免雖有附表勘誤然以基於勒命僅藉十二小時之工日穿恐難竟志惟俟再版慎重考訂深望 博雅特予諒之

綏遠省文史研究會